



सानसेयारि "बड'सा" खरीरालाइयाव समाज्यादि जिज्जो लोब्बा थानाय रायथाय, खन्थाय, सल', सल'बाथा आरु बावबायादि थावनि, पार्क बाइदिनि स्याय लिरनाय लिरबिबां दैशय डर/ सानसेयारि "बड'सा" खरीरालाइया खेबखानावै फोखावगोब/

बड'सायाव लिरहरनायनि हुबा खालाम, "बड'सा" खरी नैथि, जो बयबो आंगो खालाम/

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिस-783370
Website: www.bodosanewspaper.com

BODOSA ★ A Bodo News Daily ★ Tuesday ★ 13 February, 2024 Kokrajhar, BTC, Assam ★ Vol.-33, Issue No.315 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



मदि सरकारनि गेरेन्टि

डिजिटल इण्डियाआ रांखान्थौ गोहो गोर खालामदों
मुलुगनि गासै डिजिटल पेमेन्टनि 46% आरो भारतआव जादों

हमारा संकल्प बिकसित भारत

वासिन मिथिनो थाखाय रकेन खालाम



गिबि मन्थिआ राइज्यो बेंगिरिखौ लोगो हमनानै सरकारनि जौगाखां आयदाफोरनि सायाव सावरायदों

आसाम केबिनेटआ आसाम माला-2 बिथांखिनि सिडाव मोन 12 प्रजेक्टफोरनि थाखाय 1000 कौटि रां गनायथि होदों

गोजौसिन गेजेरारि आन्जाद, सा 2,80,216 फरायसाफोरा आन्जादआव जिरायदों



गुवाहाटी, 12 फेब्रुवारी: गिबि मन्थि ङ हिमन्त बिश्व शर्मानि मासि लानानै दैदेनायाव दिने आसाम केबिनेट जथुमआ जानानै थाडो। दिनेनि बे केबिनेट मेलनि गेजेरजों गोबांथार बिथांखिफोर मावफुं नायनि थांखिखौ आजावनाय जादों। बे केबिनेट मेलनि गेजेरजों राइज्यो सरकार आसाम माला-2 बिथांखिनि गेजेरजों मोन 12 प्रजेक्टफोरनि थाखाय 1000 कौटि रां गनायथिदों। गिबि मन्थिनि दैदेनाय बे केबिनेट मेलयाव

गुवाहाटी, 12 फेब्रुवारी: गिबि मन्थि ङ हिमन्त बिश्व शर्मानि मासि लानानै दैदेनायाव दिने आसाम केबिनेट जथुमआ जानानै थाडो। दिनेनि बे केबिनेट मेलनि गेजेरजों गोबांथार बिथांखिफोर मावफुं नायनि थांखिखौ आजावनाय जादों। बे केबिनेट मेलनि गेजेरजों राइज्यो सरकार आसाम माला-2 बिथांखिनि गेजेरजों मोन 12 प्रजेक्टफोरनि थाखाय 1000 कौटि रां गनायथिदों। गिबि मन्थिनि दैदेनाय बे केबिनेट मेलयाव



थांखि लानाय बायदिब्ला आसाम माला-2 बिथांखिनि गेजेरजों गासै मोन 12 प्रजेक्टफोरनि थाखाय 1,510.98 कौटि रां बाहायगोन। मख'नाय जायदि, आसाम माला-2 बिथांखिखौ सोलिगासिनो थानाय आसाम आइन आफादिनि जथुमयाव थिसन्नाय जादोंमोन। गिबि मन्थि ङ शर्माना केबिनेट मेलयाव थांखि लानायनि सोमोन्दे खौरां बिजोनि गेजेरजों फोरसायदोंदि, राइज्यो नाडै (□ 5 बिलाइआव)



गुवाहाटी, 12 फेब्रुवारी: आसाम हायार सेकेन्डरि काउन्सिल 2024 नि समफारि बादिये बे बोसोरनि एड्सएस आन्जादआ दिने 12 फेब्रुवारीनिफ्राय जागानानै फेगौ 13 मार्चसिम मोननै शिवफटाव खुंजागोन। गिबि शिवफटाव फुंबिलि 9:00 बाजिनफ्राय सान्जौफु 12:00 बाजिसिम आरो नैथि शिवफटाव बेलासि 1:30 मिनिटनिफ्राय बेलासिनि 4:30 (□ 5 बिलाइआव)

झारबारि दख'रा एबसुनि बान्जायनायाव फरायसाफोर, दिथागिरिफोरजों लोगो हमलायनाय आरो सोलौंथायारि सांग्रांथि मेल खुंदों

कक्राझार, 12 फेब्रुवारी: दुलाराय बर' फरायसा आफादिनि 'गुण गोनां सोलौंथाय जावदिथे झारबारि दख'रा दुलाराय बर' फरायसा आफादिनि बान्जायनायाव आथिखालनि थासारि, जिउ रहा दानाय आरो माहारिबाद सानसि आयदानि सायाव गुवारै सावरायलायनो थाखाय दिने 12 फेब्रुवारी, 2024 ई अक्टखालि दख'रानि



सिडाव थानाय जावलिया देवान गेजेर फरायसालियाव फरायसा आरो दिथागिरिफोरजों लोगो हमलायनाय हाबाफारि खुंनाय जादों। झारबारि दख'रा दुलाराय बर' (□ 5 बिलाइआव)

मुख्य मन्थि नियुत मइना बिथांखिनि गेजेरजों 10 लाख फरायसुलिफोरा मुं थिसन्नायाव रांखान्थि अन्सुंथाय मोनगोन

गुवाहाटी, 12 फेब्रुवारी: दिनेनिफ्राय जागानाय आसाम बिधान सभानि बाजेट जथुमयाव राइज्यो सरकारनि रांखान्थि मन्थि अजन्ता नेउगआ 2024-25 बोसोरनि आबु बाजेट थिसनो। गिबि मन्थि ङ हिमन्त बिश्व शर्मानि दैदेनाय राइज्यो सरकारनि बेयो ब्रैथि बाजेट। दिनेनि बाजेट जथुमआव थिसन्नाय गिबि मन्थिनि नियुत मइना बिथांखिनि सिडाव 10 लाख फरायसुलिफोरनो मुं थिसन्नायनि बेलायाव थुलुंगा



महरै रांखान्थि अन्सुंथाय गथायनायनि थांखि थिसन्नाय जायो। बे खाबुखौ जाहाथे बिसोर गोजौसिन गेजेरारि,

माजबात पुलिसआ गोबां बिबांनि गान्जा हमनो हादों

उदालगुरि, 12 फेब्रुवारी: उदालगुरि जिल्लानि साहा-सान्जा फासै थानाय माजबातआ दासादि गान्जा फालांगिरिफोरनि हारिसायारि करिड'र महर मोन्दें। अरुणाचल हाजोनिफ्राय सानफ्रोमबो लाख-लाख रां बेसेनि गान्जा फालांगि जागानो दं। पुलिस खुंथाया सानफ्रोमबो आयेन बेरेखायै गान्जा फालांगिरिफोरनि हँथायै (□ 5 बिलाइआव)

फोथाय भटआव देरहानानै नितिशाआनो फिन बिहारनि गिबि मन्थि



पाटना, 12 फेब्रुवारी: बिहार बिधान सभानि फ्लर टेस्टआव देरहाफिनबाय नितिश कुमारआ। जु थाय हान्जानिफ्राय ओं खारबोनानै नितिशाआ (□ 5 बिलाइआव)

गसाइगावआव आदिबासि बीर सिधु-कानहु मुर्मुनि 169 थि मुंखलं सान फालिदों

गसाइगाव, 12 फेब्रुवारी: कक्राझार जिल्लानि गसाइगाव महकु मानि सिडाव थानाय कान्दानापासआव 10, 11 आरो 12 फेब्रुवारीआव सानथामनि मेहेर गोनां हाबाफारिजों आदिबासिफोरनि बीर सिधु मुर्मु आरो कानहु मुर्मुनि 169 थि मुंखलं सान फालिदों। गसागावनि भदेयागुरिनि कान्दानापासआव थानाय सिधु-कानहु ध्यान आश्रमनि बादायाव खुंनाय बे मुंखलं सान फालिथायनि दिनेनि जोबथा



साननि हाबाफारि बादिये फुंनि 9 रिगायाव रायदाव आफादिनि आफादिगिरि बुधराइ हेमब्रमनि दैदेनायाव साउताल बीर सिधु-कानहु मुर्मुनि मुसुखायाव मान बाउनाय जायो। सानजौफुनि 1 रिगायाव गेवलां मेल खुंनाय जायो। रायदाव आफादिनि आफादिगिरि बुधराइ हेमब्रमनि साब्लायायनायन खुंनाय गेवलां मेलव रायदाव आफादिनि लेडइ आफादिगिरि साबेत मुर्मुआ बराय बिबुंथि होयो। गावनि बिबुंथियाव बिथाडा बीर बिदा-फबाय सानैनि बाउसोमनायनि (□ 5 बिलाइआव)

30 लाखसिम बांसिगोन अरुनदय बिथांखिनि मुलाफायारिनि अन्जिमाया

गुवाहाटी, 12 फेब्रुवारी: अरुनदय-2.0 सिमनाखौ बांहोनानै गोबांथार राइजो-राजाफोरखौ सोसन्नाय लानाय थानाय बोसोरनिजों सोमोन्दे लांखिनानै दुलाराय राइज्योनाडैनो अरुनदय -2.0 खौ जागयदों। बे बिथांखिनि सिडाव राइज्योनि अन्तदया आइजोफोरनि अन्नायैबो थामथि आथोननि सुवुं आरो बेंगुयनि मुलाफा मोन्नाया रोखा जाबाय। (□ 5 बिलाइआव)

राइज्यो बेंगिरिया थागिबि आरो जनजाति फोथायथि आरो हारिमु बिफानजों सावरायलायनाय मेल जथुमदों गोजोर जौगाखां थांखिफोरखौ गोरोबहोनो थाखाय बिफानारि हाबाफारिफोरखौ साजायनायाव राइज्यो बेंगिरिआ गोसो होदों

गुवाहाटी, 12 फेब्रुवारी: आसामनि राइज्यो बेंगिरि गुलाब चान्द काटारियाआ दिने राज भवनआव मन्थि नन्दिता गारल'सानि नुजाथिनायाव थागिबि आरो जनजाति फोथायथि आरो हारिमु बिफान एबा इन्डिजिनियास एन्ड ट्रायबल फेइथ एन्ड काल्सार बिफाननि खामानिफोरनि सायाव खौरां लानो थाखाय मोनसे मेल लिंथुमदों। बे सावराय मेलखौ बिफाननि गोबां बिथिनि हाबाफारिफोरनि सायाव सावरायनो थाखाय खुंनाय



जायो। जेराव बेनि मोनबै सिनायथि आरो बिथोनगिरिफोरनि गुवार खाबु आरो बिसोरनि हाबाफोरखौ लाफानाय जादोंमोन। बे सावराय मेलआव बयनिखुइ साबसिन हुदाफोर, बिफाव मडेलफोरनि (□ 5 बिलाइआव)

कक्राझारआव मोब्लिबनि थांलाय-फैलायखौ लानानै जिल्ला बेंगिरिनो गोसोखां लाइ गथायदों

मोब्लिबनि थांलाय-फैलाया बन्द जायाब्ला मोब्लिब बिफाननि मावखुलिनो बेंथेनो हुमखि होदों

कक्राझार, 12 फेब्रुवारी: दुलाराइ बिटिस बाडाइ सानखो आफाद एबिएमसुनि कक्राझार जिल्ला आफादिनि आफादिगिरि नजरुल इस्लामनि दैदेनायाव फरायसा आफादिनि मोनसे थान्दै हान्जाया मोब्लिबनि थांलाय-फैलायनि सायाव खुद्विखानानै दिने जिल्ला बेंगिरिनो गांसे गोसोखां लाइ गथायनानै होयो। जिल्ला बेंगिरिनो गोसोखां लाइ गथायनानै एबिएमसुनि दैदेनगिरि नजरुल इस्लामआ बुडेदि, फरायसालि-फरायसालिमाफोरनि आन्जादआ खाथियाव फेगासिनो दं। लोगोसे दिनेनिफ्राय गोजौसिन गेजेरारि जोबथा बोसोरनि आन्जादआबो जागयजेदों। फेगौ 16 (□ 5 बिलाइआव)



गुवाहाटी, 12 फेब्रुवारी: "आसामाव बे समाव गेलेनायखौ समयना केरियार महरै लानायनि मोनसे गोदान थासारि सौफेबाय। राइज्यो सरकारनि गोदान गेलेमु खान्थिआ आसामनि हौवासा-हिन्जावसा, लाइमोनफोरखौ गुबुन गुबुन थानानै थानायनि लामाबादिनो गेलेनायखौबो जाफुंसार केरियार महरै लानायनि



फासै थुलुंगाखां होदों। गिबि खेबनि थाखाय आसामाव खुंजानो गोनां ब्रैथि खेले

फोसाबनाय (Corrigendum)

मिरु बर' थुनलाइ आफादिनि बोसोरारि खुगा लाइसि "THE BODO" 52nd Issue, 2024 आव ओं मोजाडैनो तत्बित खालामाजासेनो "बर' थुनलाइयाव बर' आइजो लिरगिरिफोरनि बिहोमा" बे लिरबिदिनि गेजेरजों - "बिदिनो बर' आइजो लिरगिरिफोरा बर' राइथसनिफ्राय गावना फेनानै "गाम्बारि" मुं होनानै एखुथायै नै रोजा जिदाइन (2018) मायथाइनि नैजिनै (22) मार्चआव मोनसे गोखौ आइजो लिरगिरि गौथुम दायो (बिलाइ-94 नि जोबथा सारि आरो बिलाइ-95 नि सिगांथार सारि) - बे सोदोबखौ बाहायनानै गोरोन्थियै लिरनाय जादों। बे अजद थानाय गोरोन्थियै लिरनाय आनि लिरबिदांखौ आडो बोखांफिनानै लानाय जाबाय आरो The Bodo - 52nd Issue-2024 नि सुजु आफाद आरो बर' आइजो लिरगिरि गौथुमनि खाथियाव निमाहा बिनाय जाबाय।

प्रतिमा नन्दी नाजरी
कक्राझार-8
लिरगिरि

दुधपेस्टनि बिखबआव गोजा, गोथां, निला, गोसोम गाबनि सिन बोना होनायनि ओंथिया मा ? मिबथिनो गोनां बाथा

जों सानफ्रोमबो गोबां मुवा-बेसादफोरखौ बाहायो। नाथाय बेफोरनि गेजेराव फिसा-फिसाफोरखौ जों गोबांआनो नोजोर होया। अदेबानि बेफोरनि बागै मिबथिनाया जॉनि थाखाय गोनांथार होन्ना बुंजायो। बेनि आन्दोनि जाहोना मख 'जाथाव। जों बयनिबो नख 'रआव फुं आरो मोनायाव जानायनि उनाव गोनांथि जानाय कलगेट एबा दुधपेस्टनि बाथायानो बुंथिजाथाव। दुधपेस्टनि टिडबनि गाहायाव माखासे गुबुन गुबुन गाबनि सिन (लाइन) होनाय थायो। बेफोर सिनआ गोजा, निला, गोथां गोसोम गाबनि जायो। नाथाय बेबायदि लाइन बानायना मानो होनाय जायो नों थाडा मिबथिगौना ? मोनफ्रोमबो दुधपेस्टआवनो एखे गाबनि लाइन बोनाय थाया। बेफोरनि गाबआ गुबुन गुबुन



जायो। बेफोर बायदि सिन होनायनि ओंथिया मा बेखौ गोबांआनो मिबथिया। अदेबानि बेफोर सिनआनो जोंखौ साबसिन हामसिन एबा गुन गोनां दुधपेस्टखौ बायनायाव मदद होयो, जाहाथे जॉनि हाथायखौ गाहामै लाखिनो हायो। दुधपेस्टखौ बायनाय समाव बेनि बिखबआव गोसोम गाबनि

लाइन बोनाय थायोब्ला बेनि ओंथिया जादों बे पेस्टखौ बानायनायाव गोबां केमिकेलखौ बाहायनाय जादों। फार्सेथिं गोजा गाबनि सिन थायोब्ला बुजिनाने लानांगोनदि, बेखौ बानायनायाव मिथिगानि मुवाफोरजों लोगोसे माखासे रोखोमनि केमिकेलबो बाहायनाय जादों। फार्सेथिं दुधपेस्टआव निला गाबनि लाइन

होनाय थायोब्ला बेनि ओंथिया जादों बे पेस्टखौ मिथिगानि मुवाफोरजों लोगोसे मुलि हारिनि मुवाखौबो बाहायनाय जादों। बेनि अनगाथै दुधपेस्टनि टिडभआव गोथां गाबनि लाइन होनाय नुयोब्ला, बे फेस्टआ बयनिखुइबो रैखाथि गोनांसिन। बेखौ बानायनायाव खालि मिथिगाथारि मुवाफोरखौल' बाहायनाय जादों।

उदित नारायणनि फिसाज्लाया अन्साय- गिरिनि सायाव गाज्रि आखु दिन्थिदों



देंखो रोजाबगिरि उदित नारायणनि फिसाज्ला आदित्य नारायणनि मोनसे भिडिअआ ससियेल मेडियायाव भाइरेल जागासिनो दड। बे भिडिअआ सुबुंफोरनि गेजेराव मोनसे सोमावसारनाय सोमजिहोदों। आदित्य नारायणआ छत्तीसगढ़नि भिलाइआव मोनसे फरायसालिमा आयदानि बाहागो जादोंमोन। जेराव बिथाड नुजाथिनाय सुबुंफोरनि थाखाय गावनि माखासे हिट मेथाइफोरखौ दिन्थिफुंदोंमोन। रोजाबगिरिखौ खोनासंनो आरो नायनो फेनाय सुबुंफोरनि गेजेराव गोबां थुलुंगानाय दंमोन।

नाथाय, बे समावनो लाइभ कन्सर्टनि समाव आदित्य नारायणखौ अनसायगिरिजों गाज्रि आखु दिन्थिनाय नुनो मोनो। बे भाइरेल भिडिअखौ नायखानायनि उनाव सुबुंफोरा रोजाबगिरिनि बे खामानिखौ लानानै जोबोद रागा जोंदों। समाजारि बिजों बाहायगिरिफोरा आदित्य नारायणखौ गोबां टूल खालामगासिनो। फावखुंगुर आरो रोजाबगिरि आदित्य नारायणआ गावनि रागानि थाखाय गोबां खेब टूल जादों आरो दायो फिन खेबसेबाव बिथाड गावनि अनसायगिरिफोरनि गेजेराव माबा मोनसे खालामदों जायनि थाखाय ससियेल मिडिया

बाहायगिरिफोरा जोबोद रागा जोंदों। आदित्य नारायणनि कन्सर्टनिफ्राय मोनसे भिडिअ नुजाथिदों जेराव बिथांखौ सासे अनसायगिरिखौ बुथारनो नाजानाय आरो गावनि फनखौ गारहरनाय नुनो मोनो। बे भिडिअनि थाखायनो सुबुंफोरा आदित्य नारायणनि सायाव रागा जोंदों। भाइरेल भिडिअआव बेखौ नुनो मोनोदि, लाइभ इभेन्टनि समाव रोजाबगिरिया गिबियाव माइकखौ फेन्सफोरनि आखाइयाव गोखैयै बुदों आरो बेनि उनाव बिथांनि फनखौ सिखना गारहरदोंमोन। बेफोर गासैखौबो खालामखानायनि उनाव, रोजाबगिरिया आरोबाव

मेथाइ रोजाबनो हमो। भिडिअआव आदित्य नारायणखौ कन्सर्टनि समाव सावथुन 'डन' नि मेथाइ आज की रात दिन्थिफुंनाय नुनो मोनो। भिडिअखौ नायनानै बेयो रोखादि, बिथांनि दिन्थिफुंनायखौ रेकड खालामनाय बिथांनि सासे अनसायगिरिया बिथांनि गोसोखौ बोनो हादोंमोन, जायनि उनाव बे गासैबो नुथायआ जादोंमोन। मुंदांखा रोजाबगिरि उदित नारायणनि फिसाज्ला आदित्य नारायणआ बोसोर 2007 माइथायनिफ्राय रिथेलिटी स्व हस्त खालामनो जुरिजेनदोंमोन। बिथाड गिबियाव रोजाबनाय रिथेलिटी स्व 'सारेगामापा'खौ हस्त खालामदोंमोन। आदित्यआ सावथुनफोरावबो गावनि खाफालखौ आनजाद नायदोंमोन। आदित्य नारायणआ 'तटाड-तटाड', 'इश्क्याऊ-डिश्क्याऊ', 'मेरा मुल्क मेरा देश', 'मुझे क्षमा कर्ण', 'राजा को रानी से', 'कभी ना कभी' बायदि गोबां सुपरहिट मेथाइफोरनि थाखाय मुंदांखा।

नोजोर (रमान्टिक)

आंनि नोजोरव नॉनोल 'सै गैया मुलुगाव जेरावबो नायगिरिबायसै गोसोआ नोंखौल' हास्थायसै सान-हर, फुं बिलि-मोनाबिलिल 'सै।

जिउनि सानखान्थिआव जेथो नांवाय गैया नॉनि अनगा जेथो सिफायनो हानाय गुवार बुहुमनि बिखायाव आंनि नोजोरनिफ्राय नों गैयैयाव दिने देराया आंनि गोबाय।

गोबां मिजिं दं नोंखौ लानानै जिउआव थानानै थानो गोजोनै दडदिने आं जेरैबो लाथिख 'जानानै आंनि नोंखौ नेनानै सुफुंफैगोन साननानै।

समानो थिन्दों दिने आंखौ जिउनि लोगोरि खालामनो नोंखौ साजायनो अनलायनायनि गंसे देराखौ गोजोनै दैदेनलानो दान्दिसेनि जिउखौ।??

निजोम बर' सोनाब पानेरी, उदालगुरि

जिरोन गैयै गोथां जॉनि अंग

प्रेमालि बसुमतारि गहपुर

जोनोम गिबि लुथियो भावथिना सिमानि, आलाइआरन आरो दिन्दोलानाय सानफ्रोमबो सोरानि मेरेंडे नै बे फारनै गोर्बानि खिरखिजों नायहरो संसारनि दनायमानि गासैबो दिन्दनायनिफ्राय सोलिफुं। एमनिफ्राय थनै थखनखौ होयो जेब्ला बेसोमाथानि बिखायाव सिमानिफ्राय मोगथां आगान बारलानो मोनसेनि उनाव गुबुन मोनसे सम आरो बोथोरनि गेजेराव फिनजाथायनि दावहायाव गावखौ बावसोम बावसोम सानसेबा हिमालय हाजो सानसेबा प्रसान्ट लैथोमा सानसेबा पामिर जौईन सानसेबा हायेन दैमा दैसा बिलो बिलोमा मोसालांदों मिनिलांदों गाबलांदों सोलेरनि दनायमानि गोथां अंगखौ मोसाहो मोसाहो मेरुनाय देहाखौ थेवबो थद होआलावानो गोजोननि सिमांजों हरे फैसालिनि मांखर सालि फारसेल' आखाइ फोलावहरदों।

रंजालि गथ'फोरनि सौरा

गोरोबनै खन्थाइ

जायनि नख 'राव संसाराव सिजौ बाथौनि गुदियाव

हरदम समाव साथि होयो गोजोननि बारा बारफैयो

जायनि नख 'राव संसाराव थायोबा धोराम बोसोन राव

खोथा बाथा मानि लायगोन सोरगो राइजो मोननो हागोन

धोहोराम बिजाबनि बोसोन मानिना जायनो सोलिगोन

गियाननि लैथोमा जागोन जिउवाव दावगा लानो हागोन

इसोर सिबिनाय, खुलुमनाय थालिम खालामना लागोन जाय

जिउवाव दावगा लानो हागोन सुखु गोजोन हरदम मोनगोन

सिजौ बाथौनि गुदियाव फुं आरो मोनाबिलियाव

हरदम समाव साथि लगाय नखरनि मोजानि थाखाय

सिजौ बाथौनि गुदियाव हरदम समाव साथि लगाय

बायगर सानसि गोजान जानो नॉनि जिउवाव गोजोन मोननो

फुं आरो मोनाबिलियाव गसाइ गाबज्रि हरदम समाव

नों हायोबा मालाइखौबो इसोर गाबज्रि हो अरायबो

अब्ला नोंखौ गसाइयावो अनफिनथारगोन सानसेबाबो

जिउयारि सुखु गोजोन मोननो नांगौ दोहोराम सिबिनो

जायनो गियानमा सिबियारि बिनो जागोन गोथारगिरि

गसाइ नोंखौ हरदम समाव सिजौ बाथौनि गुदियाव

दंथारोखौ फोथायथिना खुलुमो हान्यु खेरायना

बिबार बिलाइ होसे होना गोथार गोसो लासे लाना

फुं मोनाबिलि जाबानो गसाइ नोंखौ गोसो खानो

मोनथार नांगौ अबोलासो थाजिम मोनो जिउनि गोसो

बर' हारिनि बाथौ धोराम अनसायनि फे बयबो जाम जाम

इसोरनि माया महिमा गोथौ सानथौनि लैथोमा

रैदोम बर' माजदिया, बगुलामारि, बाक्सा

नोंखौ आं मोजां मोनो

मिथिया गोसोआ मानो नोंखौल' हासथायो मोजां मोननो, गोरबोनि इसिं खनायाव थाबाय सावगारिया नॉनिल' आंनि नोजोराव। नोंदि बै अखोरानि थरसे गोजों हाथरखि हानायमोनब्ला जानो आंबो मोनसे उखुमत्रि, थाहैगोमोन बै रायजो आव नोंजों लोगोसे अखोरानि रायजो आव लुगौमोन नख 'र गंसे। गावदां नोंदि बारसे सान बिबार बादि महरा नॉनि खाथियाव नायोब्ला मोदाइजो बादि, सुजुफ्लाडो गोसोआ नोंजोंनो संसार दानो थारैनो नोंखौदि आं एसेबां मोजां मोनो। थैसाम खाबाय नोंदि आंनि गोरबोआव हाबनानै थाबाय जिजिरि आंनि बिखायाव, मेगननि नोजोरजों गावहरनाय जिजिरि नॉनिनो जुथुमनानै दोनबाय गोरबो इसिंआव नोंखौनो, थारैनो नोंखौल' आं गोरबोजों मोजां मोनो।

जोंसार बसुमतारि 6 नं सानथिपुर (गहपुर) बिस्वनाथ

थियारि जादो दावहारुफोर

नै दावहारु फरायसा फरायसुलिफोर नोंसोर साफा साफा दावहारु बहि खलम बिजाबा नोंसोरनि हाथियार फरायनाय लिरनायआ नोंसोरनि खामानि। नोंसोरनो जॉनि इयुन, नोंसोरनो हादरनि इयुन नोंसोरखौ लानानैनो जॉनि इयुन। थियारि जाखाजोबदो गोखै गोखैयै, थांखिआ नोंसोरनि 100 जौखोन्दो सिखांदो गोखैयै, फरायदो-लिरदो। जाफुंसारनायनि थांखियै नाजाथाबदो समा रावखौबो लोगो लाया बैसोआ रावखौबो नेनानै थाया दिनैनि मावनां हाबा दिनैनो फोजोब। HS आरो HSLC आन्जादव गोथारलानोसै जानजि खाफ्रादो गोखै बेरायनाय रंजानाय गेलेनाय दोनथ'दो खालि लिर खालि फराय। नोंसोर सासे सासे दावहारु देरहासारनांगोन नोंसोर आन्जादव बरायगोन जों गोथार रेगे रेगां आगरनि समायना बर 'नि आर'नाइजों।

निरन्जन बसुमतारि नतुन सनाफुर, गहपुर

दोंसे खन्थाइ

फागुनि दुंलोब बिलियाव सोरबा अनजालिया आग 'र गुबेनि गोमो-गोथां आर'नाइ फालि आखायाव लाना गोदोनायाव आंनि गानहोयोमोनब्ला, गोजोनगौमोन आं फागुनि बिलियाव।

अनिल ब्रह्म चिरां

लांगोना मोखाडव

साया-माया नुजाफैयो नॉनि महर आंनि जरसे मेगनाव नॉनि रावजोंबो रुजुजायै आंनि नोजोराव समायना महर। लांगोनाखौबो साजायगोन आंनि गोजोन देरानि बायदिमैया रोखोम गाबनि महरजों बेसेदि समायना महर नॉनि। आं अरायसमाव नोंजोंनो थाफागोन रानस्त्राव बोथोरनि समाव दै लुना फोथांगोन नोंखौ जोथोनै लाखिगोन। बिरबायो रं-बिरनि बेरे-सिखरि नॉनि मोदोमफ्रु मोदोमनायाव नाजायो गोदे बिदे सोबनो नॉनि आंनि लांगोना मोखाडव।

निजोम बर उदालगुरि

गुण गोनां फोरेंगिरि, समाज सिबियारि सतिराम सहरियानि रुंसादि

कलाडगाव, 12 फेब्रुवारी: गुण गोनां फोरेंगिरि आरो गागि समाज सिबियारि सतिराम सहरियानि थैनायाव खोला बक्राडारआव दुखुनि सायखें सांग्लोबदों। मख 'ने गोनांदि, फोरेंगिरि-समाज सिबियारि आरो श्रीश्रीबासुदेव मन्दिरनि सिबियारि सतिराम सहरियाआ (91) रबिबारखालि बेलासिनि 7 रिगायाव जोबथा हां बोयो आरो दिनें गोबां गहाम अन्सायगिरि, राड्जो-राजाफोरनि नुजाथिनायाव धोरोमारि नेम-खान्थिनि गेजेरजों जोबथा बिदाय होयो। समाज सिबियारिनि थैनायाव गुबुन गुबुन दोलो-आफादफोरखों गोथें दुखु मोनाया फोरमायनायजों लोगोसे दुखुथिया नख 'रनिंसिम समानें दुखु मोनफनाय फोरमायो। थैनाय समाव बिसि, सानें फिसाज्ला, सानें फिसाजो आरो गोबां गहाम अन्सायगिरिफोरखों सतिराम सहरियाआ बे संसायव अरायनि थाखाय एंगारलाडो।

एसएसबिनि बान्जायनायाव 'मावमिरुआव आड्जोफोरनि सायाव उतखार, बेनि जाहोन आरो होबथानाय' सांग्रांथियारि मेल

बड'सा थान्दै, गसाडगाव, 12 फेब्रुवारी: गसाडगावनि मावियारुआव थानाय एसएसबिनि 31 नं बेटेलियननि गहाड् मावखुलिआव 'मावमिरुआव आड्जोफोरनि सायाव उतखार, बेनि जाहोन आरो होबथानाय'-आयदाफारिखो लानानें मोनसे सांग्रांथियारि मेल खुंनया जायो। थंन्याय 10 फेब्रुवारी बेलासि समाव बेटेलियननि गहाड् मावखुलिआव मावबिबानआव थानाय आड्जो जवान आरो आड्जो बिबानगिरिफोरनि बाहागो लानायाव खुंनया बे हाबाफारिआव गसाडगावनि सरकारि नडें आड्जो एनजिअ 'बीरंगना' नि आफादगिरिजो म्नालिनी डेका कलिताआ गहाड् फुंखा सुबुं महैर बाहागो लानानें मावमिरुआव माखासे दुथीं आरुनि सुबुंफोरजों आड्जोफोर उतखार खालामनाय, बेनि जाहोन आरो होबथानायनि सोमोन्दें बिबुंथि



लाखियो। बे हाबाफारिआव बीरंगाननि नेहाथारि कविता चौधुरि आरो सोद्रोमा माहिमति ब्रह्ममोनहा लिहरजानाय आलासि महैर बाहागो

लानानें आयदाफारिनि सायाव बिबुंथि लाखियो। सांग्रांथियारि हाबाफारिआव एसएसबिनि आड्जो जवानफोरजों एनजिअनि

बिबानगिरि आरो बाहागो लानाय आड्जोफोरनि गेजेराव फोरमायथिलायनाय हाबाफारिबो खुंनया जायो।

गुवाबतिआव गोदानें स्वामी बिबेकानन्द भवन लुनायनि खामानिखौ जागायजेनबाय

तामुलपुर, 12 फेब्रुवारी: तामुलपुर जिल्लानि गुवाबारिआव गोदानें स्वामी बिबेकानन्द भवन लुनायनि खामानिखौ बिटिसिनि मावफुं सोद्रोमा धर्म नारायन दासआ जागायजेनानें होयो। भवन लुनाय खामानिखौ बेखेवजेना होनानें मावफुं सोद्रोमा धर्म नारायन दास बुडोदि, दासान्दि फारफ्रोमबो दिगआव गोजेननि बार बारदों। गासैबो हारि-माहारिखो दावगालां होनायनि थांखिजों सरकारा सुबुं अन्सायारि बिथांखिफोरखो आजावबोनाया बयनिबो थाखाय मोजां लैखोन। गासै 15 लाख रं बाहयानानें लुनो गोनां बे बिबेकानन्द भवननि खामानिखौ बेखेवजेनाय



हाबाफारियाव नाग्रिजुलि दखर आफादिनि आफादगिरि मिथुन दास, जिल्लानि आफादगिरि देबन्नत सरकार आरो बिटिसि ओन्सोलारि आफादिनि आफादगिरि हरेन दासआ मावफुं सोद्रोमा धर्म नारायन दासनिंसिम साबायख 'र

जासिहरनानें फे गो समाव बे भवनआ बयखौबो ज 'खालामगोन होनानें फोरमायो। बे बेखेवजेनाय हाबाफारियाव आफादिनि बारग 'गागि मावथिजों लोगोसे जिल्ला, दखर आरो दालाड आफादिनि बिबानाव थानाय मावथिफोरबो बाहागो लायो।

सेनिखवाआव गोदानें लुनाय गणेश मन्दिरखौ बेखेवबाय

चापर, 12 फेब्रुवारी: 'धोरम गैयाब्ला मोनसे गोगो समाजआ थंनानें थानो हाया' होना बुंनानें बड्गगाव जिल्लानि सिडव थानाय सेनिखवा मुनि जायगायाव गोदानें लुनाय गंसे समानाय गणेश मन्दिरखौ बेखेववानें होयो गागि समाज सिबियारि रुद्र पाथकआ। थंनानय नै बोसोर सिगां बे म्दिरनि अन्थाड् खाम्फा गायसन्नानै राजिो-राजाफोरनि दानजों लुनाय बे गणेश मन्दिरखौ दिनें बेखेवजेनाय हाबाफारियाव भुवनेस्वर दास, दिपांकर अधिकारि, प्रियनाथ सरकार, पुपेन अधिकारि, दुब्रु अंधिकारिजों लोगोसे गोबां सिबियारि राड्जो-राजाफोर बाहागो लायो। देहातिनिफ्राय एसे गोजनाव थानाय सेनिखवा सारिआलि दखर श्रीश्री गणेश मन्दिरनि गोथार बेखेवजेनायजों लोब्ला लाखियानें फेगो 13, 14 आरो 15 फेब्रुवारीसिम सानथामनि हाबाफारिजों फुजा-फोबों खुंनयाजों लोगोसे आड्जोफोरनि नागार नाम, सिपनसिलानि मिनि थियेटरनि नायजाव दिन्थिफुंनयाय आरो हारिमु दिन्थिफुंनयाय हाबाफारि खुंनया जागोन होनानें म्दिर आफादिनि दिपांकर अधिकारिआ मिथिहोदों।

फोथाय भटआव देरहानानें नितिशाओ फिन...

एनडिनि सिडव हावफेदोंमोन। हान्जा सोलायनयनि बे टेस्टआव नितिशाखौ मदद होनानें फोथाय भटआव देरहासार खालामदों एनडि एबा बिजेपिआ। दिनें समबारखालि बिहार बिधान सभायाव फोथाय भट लानाय समाववो वाकआउट खालामो आरजेडि, कंग्रेस आरो कमिउनिस्ट पार्टिनि सोद्रोमाफोरा। बिहार बिधान सभानि सोद्रोमा अन्जिमाया सा 243। फोथाय भटआव देरहानो थाखाय सा 122 सोद्रोमानि गोनाथि जायो। बेनि गेजेराव नितिशनि दोलो जेडिड आरो बिजेपिनि गासै मोन 129 भट मोनानें बे फोथाय भटखौ देरहानो होयो। फोथाय भटनि सिगां बिजेपि आओ नितिश कुमारखौ आरजेडि दैदनिगिरि तेजस्वी यादबआ गोखों रवजों गाग्लोबदोंमोन। मोनसे समाव नितिश कुमारखौ यादबआ फाल्तु कुमार होनानेंबो सांखारिदोंमोन। बिथाड नितिशादि फिन बेल्थायफिन्नाय नड बेनि गेरिन्टखौ मदिआ होनो हागोन ना होनानेंबो नितिश आओ बिजेपिखौ गाग्लोबो। मख 'ने गोनांदि, बोसोरसेनि गेजेराववो खेबथाम गिबि मन्थि महैर समायखिरा लाबाय नितिश कुमारआ। फोथाय भटआव देरहानानें नितिश कुमारआ आरजेडिखौ गेनाजों लोब्ला जानो हमबायमोन होनानें गावनि गोदान सरकारनि आमोलाव बेनि संदानाय जागोन होनानें बुडे। बेराफासै फोथाय भटनि सिगां सिगां आरजेडिनि एमएलएफोर फारिथै-निलम देबि, सेतन आनन्द आओ प्रहलाद यादबमोनहा एनडिए हान्जायाव हावफेबो। मख 'जाथावदि, थंनानय दानआव कंग्रेस दैदनाय जुथाय हान्जाखौ नागारसानें एनडिए हान्जायाव लोगो गंफेदोंमोन नितिश कुमारआ। बे सानखालिनो बिबान एंग्लायनानें फिन गिबि मन्थि महैर समायखिराबो लादोंमोन। नितिशनि दाबि बादिथै जुथाय हान्जाया मोजां रोखोमै सोलिनो हायाखैमोन। बेखायनो बे हान्जाखौ नागारनायनि गोनाथि जादों।

राड्ज्यो बेंगिरिया थागिबि आरो जनजाति ...

सायाव सावरयनाय जायो। बेनि अनगायैबो राड्ज्योनि सुबुंफोरनो साबसिनै सिबिथाय होनो थांखिफोरखौ मोनफुंनो थाखाय गोजोर जौगाखां थांखिफोर (एसडीजी) जों बिफानारि हाबाफारिफोरखौ गोरबहोनायाव गोनांथार गोसो होनाय जायो। बे मेलआव मोनसे जौगालु आओ गोजोर इयुनखौ आबुं खालामनायाव सुबुंफोरनि थांखि आओ हास्थानायफोरखौ आबुं खालामनो थाखाय 'अमृत काल' नि समाव बिफानआ मावनाय हाबाफारिफोरनि सायावबो खौरां लायो। राड्ज्यो बेंगिरिआ गोजाम आओ खुगा-खुगा सोलिबोनाय दोरोडारि आसार-खान्थिफोरखौ रैखा खालामनायावबो गोसो होदों, हारिमुवारि उनमोनथायनि बाखि महैर बिसोरनि इसिडारि बेसेनखौ गनायथि होदों। बेनिखायनो, बिथाड थागिबि हारिफोरनि धोनि समाजारि-हारिमुआरि हुदाफोरखौ दिन्थिफुंनयाव हेरिटेज दावबायथायनि गोनांथार बिफावखौ नोजोर होदों। बेनि अनगायैबो राड्ज्यो बेंगिरिया गुबै रेबसनलाड्फोर आओ बिजाबारि फुंखाफोरखौ रैखा खालामनायावबो गोसो होदों, मानोना बेफोरो हादतआरि गियाननि बेसेन गोसा बाखि। बिथाड बेफोर फुंखाफोरखौ इराजि, हिन्दी आओ ओन्सोलारि रावफोराव राव दानस्लायनो थाखाय गोखों नाजानायनि गोनांथिनि सायावबो गोसो होदों। बेनि अनगायैबो गोजौ गियान आओ गोदान दिहुन्थायनि थाखाय बिजिरसंयाखौ गोरलै खालामनो थाखाय मुलुगसोलोंसालिफोरजों सोलोआरि बाहागोदारि खालामनोबो हेफाजाब होदों। बिथाड राड्ज्योनि गोदो-गोदायनि हारिमुआरि उनमोनथाइनि धोनि फुंखाफोरखौ मोननो थाखाय मुलुगनि सुबुंफोरखौ खाबु होनो थाखाय रैखाथुमसालिफोरखौ डिजिटाइज खालामनायनि गोनांथिनि सायाव गोसो होदों। बिथाड बेफोर हारिमुआरि फुंखाफोरनि पुथायखौ बांहोनो थाखाय गुग'ल बायदि विरोंदामिननि सिबिथायफोरखौ बाहयनो थाखायबो हेफाजाब होदों। इन्डिजिनियास एन्ड ट्राइबल फेड्थ एन्ड काल्सार बिफाननि कमिसनार आओ नेहाथारि रन्जन शर्माया मेलाव बिफानआरि आओ बेनि बिथोनगिरिफोरनि सोमोन्दें फोरमायथिना होयो। राड्ज्यो बेंगिरिनि कमिसनार आओ नेहाथारि एसएस मीनाक्षी सुन्दरम आओ इन्डिजिनियास एन्ड ट्राइबल फेड्थ एन्ड काल्सार बिफान आओ राज भवननि गुबुन गोजौ थाखोनि मावख गिरिफोरा बे मेलाव बाहागो लादोंमोन।

आसाम केबिनेटआ आसाम माला-2 बिथांखिनि सिडव मोन 12 प्रजेक्टफोरनि थाखाय 1000..

ख'ना-खनला ओन्सोलफोयव लामा फोनांजाबनायनि राहाखौ साबसिन खालामनो थाखाय आसाम माला बिथांखिनि गेजेरजों 1000 कौटि रंनि बांसिन बाहायनो थांखि लानाय जादों। दिनेंनि बे केबिनेट मेलयाव बेखौबो थांखि लानाय जादोंदि, बसुन्धरा-2 बिथांखिया सोलिफु फेब्रुवारी दाननि फेगो 16 खालाराव जोबगोन आओ बसुन्धरा-3 बिथांखिखौ जागायगोन। बे बिथांखिनि गेजेरजों 23 फेब्रुवारीनिफ्राय 29 फेब्रुवारीनि गेजेराव राड्ज्योनि गुबुन गुबुन जिल्लायव हानि पाट्ट होनाय जागोन। बेजों लोगोसेनो सा 37,626 सरकारि मावफारियाफोर आपुन घर बिथांखिनि गेजेरजों बेंकनिफ्राय 5,222 कौटि रं दाहार मन्को हागोन। थामहिनबा सरकारि मावफारियाफोरनो दाहार होनो थाखाय 5,222 कौटि रं थि खालामनाय जादों। जाहासे सरकारि मावफारियाफोर बेंकनिफ्राय दाहार लानानें गाव-गावनि न'खौ लानानें लानो हायो। बेनि अनगायैबो दिनेंनि केबिनेट मेलनि गेजेरजों गुबुन गोबांथार थांखिफोरखौ आजावनानें लानाय जादों।

झारवारि दख 'रा एबसुनि

बर'फरयसा आफादिनि आफादगिरिपरसुराम बसुमतिरनि दैदनायाव खुंनया बे फरयसा आओ दिथागिरिफोरनि लोगो हमलायनायजों लोगोसे सोलेंथायारि सांग्रांथि हाबाफारियाव गहाड् आलासि महैर बाहागो लायो मिरु दुलाराय बर' फरयसा आफादिनि लोगो गहाड् नेहाथारि दिनेश ब्रह्मआ। गहाड् आलासि महैर बाहागो लानानें एबसुनि लोगो गहाड् नेहाथारि दिनेश ब्रह्मआ गावनि बिबुंथिनि गेजेरजों मेलयाव बाहागो लानाय फरयसाफोर आओ दिथागिरिफोरनि गेजेरव सोलेंथायनि बागै बेसेन गोसा सुबुरुन होयो। बिथाड फरयसा आओ दिथागिरिफोरखौ थांखिनानें गियान, खौसल आओ गुण गोनां सोलेंथायनि गुदि गियान मोनमगोननि बागै गुवारि थुलुगांथाव बिबुंथि लाखियो। दिथागिरिफोरखौ थांखिनानें गाव-गावनि गथ'फोरखौ गुण गोनां सोलेंथाय मोनहोनो थाखाय बिमा-बिफाया गाव-गावनि गथ'फोरनि सायाव सोलेंथाय लानायनि फारसे सांग्रांथि जानो खवलायो। दिनेंनि बे हाबाफारियाववो मिरु एबसुनि सुबुं फोनांजाव नेहाथारि सोमदोन ब्रह्म, कक्राडार जिल्ला दुलाराय बर' फरयसा आफादिनि लोगो सोलेंथाय नेहाथारि फुकन मुसाहारि, झारवारि दख 'रा दुलाराय बर' फरयसा आफादिनि गहाड् नेहाथारि मिजिं नार्जरीजों लोगोसे दख 'रा आफादिनि गुबुन गुबुन बिबानाव थानाय बिबानगिरिफोरजों लोगोसे मोन 4 दालाड्सा आफादिनि आफादगिरिफोर आओ गहाड् नेहाथारिफोरजों लोगोसे जावलिथा देवान गेजेर फरयसालिनि गहाड् फोरेंगिरि लाबेन्न 'र, लोगो फोरेंगिरिफोर, ओन्सोलनि दैदनिगिरि, मेलेमजिबि, दिथागिरि आओ फरयसुला-फरयसुलिफोरनि बाहागो लानायजों दिनेंनि बे फरयसा आओ दिथागिरिफोरनि लोगो हमलायनायजों लोगोसे सोलेंथायारि सांग्रांथि मेलआ मेहेर गोनाडैजानानें थाडो।

30 लाखसिम बांसिगोन अरुन्दय...

“अरुन्दय बिथांखिआ बेंगुर सुबुंफोर थानाय नख 'रफोरखौ सोसन्नानै लानायनि अनगायैबो सेरिब्ले पालिसि, थैलासेमिया, हेम 'फिलिया, खुरिया एबा अ 'टिजिम स्पेक्त्रम डिजअर्डरजों नाखेवजानानें थानाय सोद्रोमानि नख 'रफोरखौबो सोसन्नानै लानाय जादों।” 27 लाखनि बांसिन मुलाम्फायारिखौ सोसन्नानै बिथांखिनि सिमनाखौ बांहोनाय जादों। मुलाम्फायारिफोर दानफ्रोमबो 10 अक्टआव 1,250 राड् गाव-गावनि बेंक एकाउन्टनि गेजेरजों बे धोनखौ मोनफुंगासिनो दड। बे बिथांखिनि सिडव बे बोसोराव सरकारआ 2.5 लाख उफ्र मुलाम्फायारिखौ सोसन्नायनि थांखि लानाय जादों। बेनि गेजेरजों राड्ज्योनि गासै 30 लाखनि बांसिन नख 'रआ अरुन्दय बिथांखिनि हेफाजाबे मुलाम्फा जागोन। बेनि अनगायैबो चराडदेव आओ बिस्वनाथ जिल्लाययाव पाइलट बिथायाव अरुन्दयजों रेसन कार्ड फोनांजाबनायनि गेजेरजों माहारियारि आदार रैखाथि आइनिन गासैबो मुलाम्फायारि नख 'रफोरखौ अरुन्दय बिथांखिनि सिडव लाबोनो नाजानाय जादों। आंखालाव गोग्लैनायफोरनि थंनानें थानायनि लामाखौ साबसिन खालामनो थाखाय सरकारआ प्रधान मन्थि जीवन ज्यति बीमा यजन आओ प्रधान मन्थि सुरक्षा बीमा यजननि सिडव अरुन्दयनि मुलाम्फायारिफोरनो बीमा गथायनायनि राहा लानो नाजादों। बे बिथांखिनि थाखाय बाजेटआव 3,800 कौटि रं थि खालामदों आसाम सरकारआ।

गिबि मन्थिआ रायजो बेंगिरिखौ..

राड्ज्योनि जौगाखानाय आयदानि सायाव सावरयलायो। बे सावरय जथुमाव सरासनसा नडब्लाबो, राड्ज्योनि जौगानायखौ गोखे खालामनो थाखाय आयदाफोरनि सायावबो सावरयनाय जायो। गिबि मन्थिआ राड्ज्योनि बिथायारि सानजथाड आओ रांखांथियारि जौगाथाय लाबोनो थाखाय गुबुन गुबुन सरकारि हाबाफारिफोरनि बागै राड्ज्यो बेंगिरिनि मिथिहोयो। बे सावरय मेलाव राड्ज्योनि गासैबो थाखोनि सुबुंफोरनि जौगानायनि थाखाय सुबुं मिरुयारि आयदाफोरवबो गोसो होदोंमोन।

गोजौसिन गेजेरारि आन्जाद, सा 2,80,216 फरायसाफोरा आन्जादआव जिरायदों

मिनिटसिम आन्जादआ खुंजागोन। काउन्सलनि मोनसे फोरमायथि बादिथै बे खेबनि आन्जादआव आर्टस दालाड्आव सा 2,6,467 सोलेंसाफोर जिरायदों आओ बिगियान दालाड्आव सा 55,287 सोलेंसाफोरा आन्जादआव जिरायदों। बेराफासै फालांगि दालाड्आव सा 17,582 सोलेंसाफोरा आन्जादआव जिरायो। बेनि अनगायैबो वृत्ति दालाड्आव सा 880 आन्जाद होगिरिफोरा जिरायो। राड्ज्योनि गासै मोन 877 मिरुआव बे आन्जादआ खुंजादों। नोजोर होथावनादि, बे खेबआव गिबि खेबनि थाखाय अनलाइननि हेफाजाबे आन्जाद होगिरिफोर गावसोरनि नुजाथिनायखौ लानो हागोन। नंखाय आन्जाद होग्रानि जेनाखौ बोखानो बे राहाखौ आजावनाय जादों होनानें मिबथिनो मोन्या जादों। फेगो 13 मार्च अक्टआव जोबहोनो गोनां गोजौसिन गेजेरारि फरयसालिनि जोबथा आन्जादआव सा 1,37,484 फरयसुला आओ सा 1,42,732 फरयसुलिफोर आन्जाद होदों।

मुख्य मन्थि नियुत मड्ना बिथांखिनि गेजेरजों 10 लाख फरायसुलिफोरा मुं थिसन्नायाव...

थि थाखोआव मुं थिसनो थाखाय 10 रोजा, आरिमु जालियानि गिबि बोसोरनि मुं थिसन्नायनि थाखाय 12,500 रं आओ पस्ट ग्रेजुएड फरयनाय गिबि बोसोरनि मुं थिसन्नायनि थाखाय साफ्रोमबो फरयसुलिआ 15 रोजा राड् थुलुगां धोन महैर मोनफुंनो हागोन। नोजोर होथावना बाथ्रादि, बेसेन नाडें मुं थिसन्नाय, स्कुति गथायनायफोर बादि दासिमबो गथायगासिनो थानाय खाबुफोरनि अनगायैबो बे खाबुखौ गथायनाय जागोन। बेनि थाखाय बाजेटआव 240 कौटि रं थि खालामनायनि थांखि होनाय जादों होनानें मिबथिनो मोन्दों।

माजबात पुलिसआ गोबां बिबानि गान्जा हमनो ...

गोखों हाबाफारि लाबोदोंब्लाबो गान्जा फालांगिखौ आबुं महैर होबथानो हायाखै। सान-हर पुलिस खुंथाया आयेन बेरेखा गान्जा फालांगिनि हेंथायै थद'नाय गैयै सिप्रोमनाय हाबाफारि लागासिनो। बे बायदिनो रबिबारखालि हरनि समाव फिन माजबात पुलिसआ सिप्रोमनानें गोबां बिबानि गान्जाखौ हमनो हायो। मिथिनो मोन्या बादिब्ला, रौतु पुलिसनि नायदंगिरि जितेन्द्र सिंह, माजबात पुलिस थानानि बिबानगिरि सन्जय कुमार डुबे, लालपानि पालिस थानानि आइ सि प्रनब बरुवा आओ 5 थि आसाम कमान्ड' बेटेलियननि मोनसे जुथाय हान्जाया आसाम-अरुणाचस सिमनानि रौता दैमानि खाथियाव थानाय निजोरा हाग्रा ओन्सोलाव सिप्रोमनानें गासै 407 के:जि गान्जाखौ बोखानो हायो। अदेवानि पुलिसनि सिप्रोमनयनि बागै खौरां मोनानें गान्जा फालांगिफोरा गान्जानि बस्ताफोरखौ गारनानें सोमसिनि खाबु लानानें हाग्रा गेजेरजों खारखुमा लानो हायो। उनाव पुलिसआ बोखानो हानाय गोबां बिबानि गान्जाखौ माजबात पुलिस थानाय लानानें थाडो। दासान्दि माजबात पुलिसआ 87/23 नम्बरआव केस थिसन्नानै बे जाथायनि सायाव संदानायखौ गाजायजेदों। बोखानो हानाय 407 के:जि गान्जानि बेसेना हाथायाव गासै 40 लाख 70 रोजा रं जागोन होनानें पुलिस बिबानगिरिआ मिथिहोदों।

गसाडगावआव आदिबासि बीर सिधु-कानहु मुर्मुनि 169 थि मुंख्लं सान फालिदों

जारिमिनखौ रायखांथियो। ब्रिटिसनि हेंथायै जुजिनानें आदिबासि बीर सिधु-कानहु मुर्मुआ थंनानय 1855 माड्थायनि 12 फेब्रुवारीआव मुंख्लं जादोंमोन। इराजफोरा बीर बिदा-फंबाय सानेखौबो सोमावसारनायाव बाहागो लानायनि थाखाय फालि होनानें बुथारदोंमोन होनानेंबो बिथाड बुडे। बे हाबाफारियाव जर'खा आलासि महैर बाहागो लानानें समाज सिबियारि जितु किराणआ बीर बिदा-फंबाय सानेनि जिउ जारिमिन आओ आदिबासिनि थाखाय आदर्शनि सायाव गावनि बिबुंथियाव गुवारि फोरमायथिनानें होयो। मेलाव बाहागो लानाय आदिबासि अन्साय आओ जौगाखां आफादिनि आफादगिरि जाब्रियास खाखाआ बुडेदि, ब्रिटिसफोरनि गात्रि खुंथायनि हेंथायै सोमावसारनायनि थाखाय थुलुगां होदोंमोन आओ बे समनिफ्रायनो आदिबासि हारिया दिनेंनि सानखौ मुंख्लं सान महैर फालिबोदों। गुबुन फारसैथि, आदिबासिफोरनि एसटिनि सायाव खौरंगिरिआ सौंथि सौनायनि पिन्नायाव बिथाड बुडेदि, आदिबासिफोरनि मोन 5 बिग्रायारि हान्जाजों गोजोन गोरबथा खालामनानें आदिबासि जौगाखां आओ अन्साय आफाद दाफुंनानें सरकार आदिबासिफोरनि जौगाथायनि लामाखौ बेखेवनानें होदों होना मख 'नानें गोदानें दाफुंनानाय जौगाखां आओ अन्साय आफादिनि गेजेरजों एटिनि आयदाखौ सुसंनानय जागोन होनानें बिथाड मिजिंथिनाय फोरमायो। रयदाव आफादिनि लेडड आफादगिरि प्रियानाथ मारिदिआ आलासिफोरनि सिनायथि होनाय गेवलां मेलाव आदिबासि अन्साय आओ जौगाखां आफादिनि मावफुं सोद्रोमा फारिथै तिकुं तुदु, किनेस हासदा, लक्ष्मन चरेन, बिलियाम तुदु, मन्दल हासदा, समाज सिबियारि पितार हासदाजों लोगोसे माखासे गागि सुबुंफोरा बाहागो लायो।

कक्राडारआव मोब्लिनि थांलाय-फैलायखौ लानानें जिल्ला बेंगिरिनो गोसोखां लाड् गथायदों

फेब्रुवारीनिफ्राय गोजौ फरयसालिनि आन्जादआबो जागायजेनगोन। बेनि अनगायैबो गंफ्रोमबो फरयसालियाव फरयसाफोरनि बोसोरारि आन्जादाआबो थाबैनो खुंजागोन। नाथाय बे बायदि समाव कक्राडारनि गुबुन गुबुन गागि ओन्सोलाव मोब्लिबनि थांलाय-फैलाया जागायजेदों। मोब्लिबनि थांलाय-फैलाय जानायनि जाउनव फरयसा आओ दिथागिरिफोरा माखासे जेनाफोरजों मोगा-मोगि जानादों होना फरयसा दैदनिगिरि नजरल इस्लामआ बुडेदि, फरयसाफोरनि फरयनाय सम मोनाबिलि आओ फुनि समाव मोब्लिबनि थांलाय-फैलाया बांसिन जादों। सरकार जेसेबानो मोब्लिबखौ थि महैर जागायनायनि बाथा बुदों एसोबानो कक्राडारआव मोब्लिब बिफाननि होहम आखुया बांसिन जादों। बेनिखायनो गोसोखां लाडिनि गेजेरजों फरयसाफोरनि आन्जाद आओ बिसोरनि इयुनिनि फारसै नोजोर होनानें कक्राडार जिल्लाययाव थि महैर मोब्लिब जगायनायनि राहा लानो थाखाय दिनें जिल्ला बेंगिरिनिंसिम दाबि दैखानाय जादों होनानें एबिएमसुनि आफादगिरि नजरल इस्लामआ बुडे। बेनि उनावबो मोब्लिबनि थांलाय-फैलाया बन्द जायाब्ला कक्राडारनि मोब्लिब बिफाननि मावखुलिखौ बेंधेनानें गोखों सोमावसारानो होनानें फरयसा दैदनिगिरिआ हुमखि होयो।

ब्रैथि खेलो इन्डिया विश्वविद्यालय गेम्सआ ...

2017 माड्थायनि मुलुगनां लाडमोन बक्सिनि सेम्पियन मुकुत गानानें हादरनि गोग्गानाय लाबोनो हानाय अंकुसिताआ 2020 माड्थायाव आसामाव खुंनया खेलो इन्डिया इयुथ गेम्सआव राड्ज्योखौ दैदनानै सनानि मेडेल देरहादोंमोन। गुवाहाटीआव खुंनया खेलो इन्डिया इयुथ गेम्सनि गोसोखांथिखौ आं अराय सम गोसोआव लाखिगोन। आंनि रौंनथिनिफ्राय बुनो हायोदि, खेलो इन्डियायनि जौसाड हादरनि 18 बोसोरनि गहायाव थानाय गासैबो गेलेगिरिफोरनि गोसो-मेलेमआव गोखों बादायलायनायनि सान्नाय-हनाय लाबोनायाव मदद खालामदों। जाउनव हारिमायारि थाखोआव बादायनाय समाव गोबां नारिसन्थायफोर गोसोनिफ्राय जायखारलांदोंमोन। खेलो इन्डिया विश्वविद्यालय गेम्सनि गेजेरजोंबो गेलेगिरिफोरा एक्सप'जार आओ देहा सोलेराव गोहो फोरानो हागोन। -अंकुसिताआ बुडे।

आसाम सरकारआ राड्ज्योनि गेलेगिरिफोरनो गथायनाय खाबु आओ बिबाननि बाथ्राखौ रायखानानें अंकुसिताआ बुडेदि, राड्ज्यो सरकारनि खान्थिआ गेलेगिरिनो जौगा माननि दिन्थिफुंनानें माहारियारि-हारिमायारि थाखोआव जाफुंसारनो हानायनि थुलुंगा होदों। जौगा माननि स्टेडियाय समानाय फोरेंथाय राहा, माहारियारि गेलेमुआव उरां जाहाजजों गेलेगिरिफोरखौ लांलाय-लाबोलाय खालामनाय आओ बान्था देरहाब्लानो सरकारि साखि होनायनि राहा खालामनाया गोदान इयुन जौलेफोरखौ गेलेनायनि फारसै सिगांनिखुडि गोबांसिन गोसो बोनो हादों। बेराफासै गेलेमु पेन्सन गथायनानें गागि गेलेगिरिफोरनि थाखायबो रांखांथियारि मदद होनानें रैखाथि गोनां खालामदों आसाम सरकारआ। मख 'जाथावदि, गुजराट माहारियारि गेलेमुआव सना मेडेल देरहानानें सरकारि साखि मोनो हादों अंकुसिताआ।

आसामजों लोगोसे सा-सान्जानि दर 7 राड्ज्योआव फेगो 19 फेब्रुवारिनिफ्राय खुंजानो गोनां ब्रैथि खेलो इन्डिया विश्वविद्यालय गेम्सआ सिगांनि मोनथामनिखुडि गोबांसिन जाफुंसारनो होनानें मिजिंथिनाय फोरमायदों अंकुसिताआ। मानोना आसाम सरकारआ गुवाहाटीआव थंनानय मोननै जौथायनि गेजेराव माखासे माहारियारि आओ हारिमायारि बादायलायनायखौ जाफुंसार महैर खुंफुंनो हादों। आसामनय मुलुगनां मानदादनि गेलेमु गुदि बिथांखौ बयबो बाख्नायनायजों लोगोसे गब्लं थालाडै खुंनयाखौ लानानेंबो गेलेगिरि-गौथुमफोरा गोजोन्दों। बेराफासै आसामनि आबहावा, आदार, हाग्रानि मि-जुनातखौ बाइजोनिफ्राय फैन्याय बयबो मोजां मोनसोगारो होनानेंबो बुडे अंकुसिताआ।

बिजेपिनि दैदेनगिरि सुकतआ देहा फाहामसालियाव मिथुन चक्रवर्तीखौ लोगो हमहैदों

73 बोसोर बैसोयाव मिथुन चक्रवर्तीया गोब्राब बिखा सानायनि उनाव हरखाबै देहा फाहामसालियाव थिसनजादोंमोन। बबेखानि फावखुंगुर मिथुननि फिसान्जलाया बिफानि सावसि आपडेटखौ फोसावनायनि उनाव देहा फाहामसालिनिफ्राय बलिउडनि डिस्क मोसागिरि मिथुन चक्रवर्तीनि गिबि भिडिअया सोराडव फैंदों, जायखौ नुनानै बिथानि अनसाइगिरिफोरा जोबोद गोजोन्नय मोन्दों। रोंग'थि गोनां फावखुंगुरखौ बिथानि देहाया जेना जानायाव देहा फाहामसालियाव थिसननाय जादों। मिथुनआ बिखा सानायनि जेना जादोंमोन, जायनि उनाव



बिथांखौ हरखाब देहाया गात्रि जानायाव कलकतानि एपल' देहा फाहामसालियाव थिसननाय जादोंमोन। बेनि उनाव बिजेपिनि दैदेनगिरि सुकत मजुमदारआ बिथांखौ लोगो हमनो थाखाय देहा फाहामसालियाव सौहैदों। देहा फाहामसालिनिफ्राय मिथुन चक्रवर्तीनि गिबि भिडिअया सशेल मिडियानि सोराडव

फैंदों, जायखौ एएनआइया गावनि बलगआव पस्ट खालामदों। बे भिडिअयाव मिथुन चक्रवर्तीखौ देहा फाहामसालिनि बिसिनायाव थानाय नुनो मोन्नाय जादों। बे समाव बिथांखौ डाक्टरफोरजों रायज्जलायनाय नुनो मोनो आरो डाक्टरखौ फावखुंगुर मिथुननो बिथानि सावसि आपडेट होनाय खोनानो मोनो, जेराव मिथुनआ गावनो डाक्टरजों रायज्जलायनाय

नुनो मोनो। बे भिडिअनिफ्राय बेखौ रोखायै नुनो मोनोदि, लाख-लाख अन्साइगिरिफोरनि गोसोआव जायगा आवग्रिनो हानाय मिथुन चक्रवर्तीनि सावसि लासै-लासै सावसिनाव फैंदों। बिजेपिनि दैदेनगिरिया मिथुन चक्रवर्तीखौ लोगो हमनो फैंदोंमोन। फावखुंगुर मिथुन चक्रवर्तीखौ माब्ला देहा फाहामसालिनिफ्राय डिस्चार्ज होनाय जागोन बेखौ दासिमबो मिबथिनाय जायाखै, नाथाय बे भिडिअखौ नायनायनि उनाव बिथानि अनसाइगिरिफोरा आरो मोजां मोनग्राफोरा गोजोन्नय मोनो। बेबायदि समावनो बिजेपिनि चिफ सुकान्त मजुमदार आरो भारतनि बारग' क्रिकेटार सौरभ गांगुलीआबो मिथुन

चक्रवर्तीखौ लोगो हमनो थाखाय कलकतानि एपल' देहा फाहामसालियाव सौहैदों। भिडिअयाव फावखुंगुरखौ बिथांजों रायज्जलायनाय नुनो मोन्दों। थानाय 15 साननिफ्रायनो फावखुंगुर मिथुनआ कलकतायाव बंगली सावथुन शश्रीनि शुटिआव नांथाबना दंमोन। भिभेक अग्निहत्रीनि सावथुन 'द काश्मीर फाइल्स'नि उनाव मिथुन चक्रवर्तीखौ जोबथा खेब बंगली सावथुन 'काबुलीवाला' आव नुनो मोन्नाय जादोंमोन। बिथाडा 'दा काश्मीर फाइल्स'आव रिटायर्ड आइएएसनि फाव खालामनायनि थाखाय सावसिन लोगो फावखुंगुरनि फिल्मफेयार बान्थाबो मोनो हादोंमोन।

'तेरी बातों में ऐसा उलझा जिया' सावथुनआ थामथि सानाव 10.50 कौटि रं आरजिदों



साहिद कापुर आरो कृति सेननि 'तेरी बातों में ऐसा उलझा जिया' सावथुनआ गिबि सानावनो मोजां रं आरजिनो हादों। बे सावथुननि सल' आरो स्टार कास्टखौ सुबुंफोरा अनसायदों। बेनि थामथि सानआव बक्स अफिसआव रं आरजिनो हानाया सोराडव फैंदों। बे सावथुनआ गुबुन सानावबो आसा खालामनाय बायदिये मोजां रं आरजिनो हादों। साहिद कापुर आरो कृति सेननि सावथुनआ भेलेन्टाइन उडक आरो उडकेन्डआव जयै मुलाम्फा मोनो हादों। बे सावथुनआ बक्स अफिसआव मोजां दिन्थिफुनायखौ नुनो मोन्दों। सावथुनआ गिबि सानआव भारतआव 6.5 कौटि रं आरजिनो हादों। नैथि शनिवारआव 9.50 कौटि रं आरजिनो हादों। रिपर्टनि बायदिब्ला, तेरी बातों में ऐसा उलझा जिया सावथुनआ थामथि सानआव 10.50 नि फालांगि खालामदों। साहिद कापुर आरो कृति सेननि सावथुनआ रिलिजनि सिगांनो एडभास बुकिंआव 2.11 कौटि रं आरजिनो हादोंमोन। तेरी बातों में ऐसा उलझा जिया आर बिबार 11 फेब्रुवारी 2024 आव गासै ज' खालामनानै 24.05 जौखोन्दो हिन्दी रावआव मोनो हादों। सावथुन बानायगिरि दिनेश भिजाननि प्रडाक्सन हाउसआव बानायनाय तेरी बातों में ऐसा उलझा जिया सावथुनआव साहिद कापुर आरो कृति सेननआ गाहाइ फाव खालामदों। सानैखौबो लोगोसे गिबि खेब मोनसे सावथुनआव नुनो मोन्नाय जादों। बक्स अफिसआव सावथुनआ मोजाडै रं आरजिनो हादों। सावथुननि बाजेटआ 75 कौटि रं होनाय बुंनय जादों। सावथुन दिहुनग्रा अमित जशी आरो आराधना साहनि बिथोन होनायाव बानायनाय तेरी बातों में ऐसा उलझा जियाआव साहिद कापुरआ सासे औरैबायदि सुबुंनि फाव खालामदों, जेराव सिफर मुनि रबटखौ जुलि खालामनायनि थांखि लादों। सावथुनखौ मैडाक फिल्मसआव बानायनाय जादों। तेरी बातों में ऐसा उलझा जियाआव धर्मेन्द्र आरो डिम्पल कापाडियाआबो फाव खालामदों।

रभि तेजानि 'ईगल' सावथुना गोबां रं आरजिदों

रभि तेजानि सावथुन 'ईगल'आ बक्स अफिसआव दोहौ सोमजिहदों। सुबुंफोरा बे सावथुननि सल' आरो स्टार कास्टफोरखौ जोबोद मोजां मोन्दों। रजनीकान्ति लाल सलामआ सिनेमाहलआव मोजाडै रं आरजिनो हायाखै। सावथुन 'ईगल' आरो 'लाल सलाम'नि गेजेरजों गोखों बादायलायनाय नुनो मोन्दों। साउथनि बे सावथुन मोननैनि अनगा 9 फेब्रुवारीयाव सावथुन लावार प्रेमालु आरो अनभेपिपिनि कांडेतुम आबो रिलिज जादोंमोन। नाथाय बे साउथनि सावथुनआव रभि तेजानि 'ईगल'आ थामथि सानावबो बक्स अफिसआव जायगा आवग्रिना लादों। रजनीकान्ति लाल सलामनि थामथि साननि कालेक्सनआ सोराडव फैंदों। साचनिकनि रिपर्टनि बायदिब्ला रभि तेजानि 'ईगल'आ बक्स अफिसआव गिबि सानआव 6.1 कौटि आरो



नैथि सानाव 10.95 कौटि रं आरजिनो हादों। 'ईगल'आ थामथि सानाव 4.70 कौटि कलेक्सन खालामनो हायो। रजनीकान्ति लाल सलामआ गिबि सानाव 4.3 कौटि आरो नैथि सानाव 6.55 कौटि रं आरजिनो हादों। रजनीकान्ति लाल सलामआ थामथि सानाव 3.00 कौटि कालेक्सन खालामनो हायो। रं आरजिनानयनि बेलायाव रभि तेजानि 'ईगल' सावथुनखौ लाल सलाम जों गोखों बादायलायनाय नुनो मोन्दों। सावथुन 'ईगल'नि सल'या मोनसे कान्ट्रेक किलर सह देब भर्मानि जेराव सासे आइजोखौ मोजां

मोनोमोन आरो बेनि थाखाय गात्रि खामानिखौबो गारनो नाजायोमोन। सावथुन 'ईगल' आ कार्तिक गहमनेनि बिथोन होनायाव आरो जीपल मिडिया फेक्ट्रीनि बेनार सिडव बानाय जानाय। सावथुनआव काव्या ठापुर, अनुपमा परमेश्वर, बिनय राय, नवदीय आरो मध्यखौबो नुनो मोन्नाय जादों। मख'जाथावदि, 'ईगल' सावथुनखौ तेलुगु आरो हिन्दी रावआव रिलिज खालामनाय जादों। अदेबानि सावथुनखौ दाबो हिन्दीआव रिलिज खालामनाय जायाखै। रभि तेजानि 'ईगल' सावथुनखौ 80

नीतु कापुरआ बिहामजो आलिया भाट्टखौ अन्नाय दिन्थिनाय नुनो मोन्दों



रविबाराव आलियाखौ गावनि बिमा अनी राजदान बिनानाव शाहीन भाट्ट आरो गावनि बिखुन्जो नीतु कापुरजों लान्व खालामनायखौ नुनो मोन्दों। बे समावनो नीतु कापुरखौ लान्व खालामनायनायनि उनाव लामानि गेजेराव गावनि बिहामजों आलिया भाट्टखौ अन्नाय दिन्थिनायखौ नुनो मोन्दोंमोन। बे क्युट भिडिअया सशेल मिडियाआव गोखैयै भाइरेल जागासिनो दं आरो सुबुंफोरा बेखौ जोबोद अनसाइदों। आलियाखौ गोथां जीन्स आरो आइस ब्लू सार्टजों लोगोसे ग्रे टेंक टपजों स्टाइलिश लुकआव नुनो मोन्दोंमोन, जेराव नीतु कापुरखौ गुफुर सार्ट आरो मेचिं पेन्टआव नुनो मोन्नाय जादोंमोन। सानैखौबो जेब्लाबोनि बायदि जोबोद समायना नुदोंमोन। आलियाआन' फारसे ओंखारलानो हमनाय लोगो लोगो नीतुआ गावनि बिहामजोखौ गोबाना लानानै

बिनि खाफालाव खुदुमदोंमोन। 'बेल' नडा बियो आलियानि खावलायखौबो अन्नायजों खेबदोंमोन। रेस्टुरेन्टनिफ्राय ओंखारनाय लोगो लोगो आलिया भाट्टआ माखासे गथ'फोर आरो गावनि अन्साइगिरिफोरजों फट'नि थाखाय पज होदोंमोन, जायनि भिडिअया इन्टारनेटआव गोसारगासिनो दं। सानैनि गेजेराव बेबायदि मोजां अनलाइनयखौ नुनानै सशेल मिडिया बाहायगिरिफोराबो अनसायदों आरो मोजां कमेन्टबो होगासिनो दड। वार्कफ्रन्टनि बाथा बुडेब्लाबो आलिया भाट्टखौ जी ले जय आरो जिगर सावथुनफोरव नुनो मोनगोन। बिथांआ सन्जय लीला भन्सालीनि सावथुन लभ एन्ड वारनिबो बाहागो, जेराव बिथाड रणबीर कापुर आरो भिक्की कौशलजों लोगोसे स्क्रीन शोयार खालामगोन।

कौटि बाजेटआव दिहुननाय जादों। रजनीकान्ति फिसाजो एश्वर्या रजनीकान्त आ सावथुन लाल सलामखौ बिथोन होदों। बेयो मोनसे स्पर्ट्स ब्रामा सावथुन। सावथुनआव बिष्य भिशाल आरो भिक्रान्तआ गाहाइ फाव

खालामदोंमोन। रजनीकान्तखौ कैमियनि फाव खालामनाय नुनो मोनाय जादों। रजनीकान्ति स्टर सावथुनआव तामिल, तेलुगु, हिन्दी, जीभितानि एर बिकुमार आरो थांबो रमीयाखौबो नुनो मोन्नाय जादों।

कातार एएफसि फाइनालआव थानाय शाहरुख खाननि भिडिअ भाइरेल जादों

शाहरुखआ जेब्लाबो गावनि सावथुनखौ लानानै खौराडव साग्लोबसारो। 2023 आव मोनथाम गोखों आरो दोहौ गोनां सावथुन 'पठान', 'जवान' आरो 'डंकी'आव गाहाइ फाव खालामनाय किंग खानआ फिन खेबसेबाव खौराडव फैंदों। सशेल मिडियाआव शाहरुखनि मोनसे भिडिअया सोराडव फैंदों, जेराव बिखौ नुनानै सुबुंफोरा रंजाखादों। बलिउडनि किंग अफ रमान्स मुडै मिबथिसारजानाय शाहरुख खानखौ एएफसी एसियान कापनि फाइनालआव नुनो मोन्नाय जादों, जायनि



भिडिअया आथिखालाव भाइरेल जादों। बेयाव शाहरुख खानखौ कातारनि गाहाइ मन्थि आरो गुबुन हादतयारि मन्थि शेख महम्मद बिन अब्दुल रहमान अल थानीजों जयै नुनो मोन्नाय जादों। सुपास्टर शाहरुख खानआ बै फावखुंगुरफोरनि गेजेराव सासे

जाय गावनि सावथुनफोरनि थाखायल' नडा मोजां आखुनि थाखायबो मुलुगनाडै मिबथिसार जायो, बावैसो सिगां शाहरुख खानआ कातारनि गाहाइ मन्थि शेख महम्मद बिन अब्दुल रहमान अल थानीजों लोगो हमलायदोंमोन। बिथाड एएफसि

भिडिअआव फेन्सफोरखौ गोबां अननाय होनाय नुनो मोन्दों। बुनानै होयोदि बे खामानिनि खाबुआव फावखुंगुरजों लोगोसे बेनि मेनेजारखौबो नुनो मोन्नाय जादों। वार्कफ्रन्टनि बाथा बुडेब्ला आथिखालाव शाहरुख खानखौ बावैसो सिगां सावथुन डंकीनि बोमन इरानी, तापसी पन्नु, भिक्की कौशल, भिक्रम कचर आरो अनिल ग्रभरजों लोगोसे स्क्रीन शोयार खालामनाय नुनो मोन्नाय जादोंमोन। बे सावथुनखौ अभिजिज जशी, राजकुमार हिरानी आरो कनिका दिल्लनआ लिदोंमोन।

माहाम देहानि राहा

हां लानायाव गोब्राब जानाया हार्ट एटेकनि मोनसे लोखोन जानो हागौ, माखासे लोखोनफोरा हार्ट एटेकनि सिगां देहायाव नुजाथियो

मुलुगनाडैनो हार्ट एटेकनि केसफोरा गोखैयै बांगासिनो दड। हार्ट एटेकनि लैखोनफोरनि सोमोन्दै थार खौरां मोनानै नोंथाड बे खैफोदखौ मख'जाथाव महरै बाडय खालामनो हायो। गोबां समावनो सुबुंफोरा हार्ट एटेकनि लैखोनफोरखौ बुजिनो हाया नाथाय देहा फाहामगिरिफोरनि बायदिब्ला, माब्लाबा-माब्लाबा देहाया हार्ट एटेकनि सिगां इसारा होयो। बेयो गुबुन-गुबुन सुबुंफोरनि सायाव सोनारोदि, हार्ट एटेकनि सिगां देहायाव लैखोनफोरा बेसे गोबाव नुजाथियो। गोबां समावनो नेरसोनफोरा सप्ताहसे सिगां नुजानो हयो। माब्लाबा माब्लाबा 2-4 घन्टा सिगां माखासे मामलायाव 1 घन्टा सिगांबो देहाया माखासे नेरसोन होयो जाय हार्ट एटेकखौ हमनो हायो। जुदि नोंथाड लैखोनफोरखौ समाव सिनायो अब्ला जिउखौ गोरलैयैनो रैखा खालामनो हायो। हां लानो गोब्राब जानायाबो हार्ट एटेकनि लैखोन जानो हागौ। हां लानायाव गोब्राब जानायनि ओंथिया बेनोदि, थार बिबानि अक्विसजेनआ संपलआव सौहैया। बेबादि थासायाव बे सुबुड गोबां गिनाय सोमजिहोयो। शारदा देहा



फाहामसालिनि इन्टारनेल मेडिसिन बिफाननि बिबुंगोरा डा: भुमेश त्यागीनि बायदिब्ला, गोबां समावनो हार्ट एटेक जानायनि सिगां हां लानायाव गोब्राब जायो एवा हां बोनायाव गोब्राब जायो। बेनि अनगायैबो बे लैखोनफोरखौबो नुनो मोननाय जायो। हार्ट एटेकनि माखासे लैखोनफोरखौ गाहायाव होनाय जाबाय। (1) बिखायाव नारसिननाय आरो असुबिदा मोन्नाय थायो। (2) हार्ट एटेकनि सिगां बिखायाव गोरा आरो सानाय थायो। (3) हार्ट एटेकनि सिगां हां लानायाव गोब्राब जायो। (4) हार्ट एटेकनि सिगां देहाया जोबोद मैनय मोनो। (5) गोबां समावनो बिखा खामनायजों लोगोसे हजम जानायनि जेनाबो जायो। (6) हार्ट एटेकनि सिगां गिनाय आरो बांद्राय गोबाना लानाय जायो।

(7) माखासे थासायाव उन्दुनायाव हँथा एवा गोबां जिगाया बाडे। बबेखानि, बेयो गोसो होथावनादि, माब्लाबा-माब्लाबा बे जेनाफोरनि गुबुन जाहोनफोर थानो हागौ। नाथाय बेयो रोखायै बेनोदि, बेयो देहानि थाखाय सरासनसा नेरसोन नडा। जुदि नोंथाड बेफोरनि जायखिजाया लैखोनखौ मोन्दोंदं अब्ला गिबियाव डाक्टरनि खाथियाव थं आरो गोखै फाहामथायनि हेफाजाब ला। बे लैखोनफोरनि जागायनाय आरो हार्ट एटेक जानायनि गेजेरनि समआ सुबुंफोरनि गेजेराव गुवारै गुबुन-गुबुन जानो हागौ। गोबां समावनो सुबुंफोरा हार्ट एटेकनि सान, सप्ताह एवा दानफोरव सांग्राथिनि लैखोनफोरखौ मोनदानो हागौ। बबेखानि गुबुनफोरनि थाखाय हार्ट एटेकआ हरखाबै एसेल' एवा जेबो सांग्राथि गैयाजासे फेनो हागौ।

राकुल प्रीत-जैकी भगनानीनि जुलिनि कार्डआ जुलिन सिगां भाइरेल जादों



राकुल प्रीत सिंह आरो जैकी भगनानीआ थाबेनो गवायाव जुलिन रादाय खासिगोन। जराया दासिमबो बेनि सायाव जेबो फोरमायाखै नाथाय जरानि जुलिन थियायि फोरा। गोखौडे सोलिगासिनो दड। बेनि गेजेराव, बिसोरनि जुलिन कार्डआबो ससियेल मिडियायाव भाइरेल जाबाय। जुलिन सिगांनो राकुल प्रीत - जैकीनि जुलिन कार्डआ सावथुननायनि आयदा जाबाय। मुंदाखा जरा राकुल प्रीत आरो जैकीनि जुलिन कार्ड टीमखो सुबुंफोरा जोबोद मोजां मोनो। 'बेल' नडा बे आयदाया सुबुंफोरनि गोसोखौबो बोनो

हादों। जुलिन कार्डआ समाजारि बिजोडव गोखैयै भाइरेल जानो हमदों। राकुल प्रीत -जैकीनि जुलिन कार्डआ जुलिन आयदाया मा जागोन बेनि मोनसे नुथाय होयो। एखे समावनो, जराया बबेहाय हाबा जागोन बेखौ मा बायदि नुगोन बेखौबो बे कार्डआव रोखायै नुनो मोनो। बिसोरनि जुलिन कार्डआव लैथो रगुंआव पवेलियन नुनो मोनो। बे समावनो, बिथानि हैशटैगआबो भाइरेल जागासिनो। बेनिखायनो राकुल प्रीत -जैकीनि जुलिन कार्डनि आयदाया सुबुंफोरनि गोसोखो बोनो हादों। बबेखानि, राकुल आरो जैकी भगनानीआ गावसोरनि जुलिन कार्डखौ

फोसावाखै आरो बेनि सोमोन्दै मावख'आरि बिबुंथिबो होयाखै। जुलिन हाबाफारिफोरा अखंड पथजों जागायजेन्दों जायनि सावगारिफोरखौ फावखुंग्रिया गावनो-गावनि ससियेल मिडियायाव सेयार खालामदोंमोन। राकुल-जैकीनि न'नि मोनसे भिडिअआबो ससियेल मिडियायाव नुजाथिदों जेराव जरानि न'खौ सोरांजों सोरां खालामनाय नुनो मोनदों। बी टाउननि गोदान जरानि जुलिन उल्टा साननाया जागायबाय। जैकी भगनानीनि हिन्जाव गोदान राकुल प्रीत सिंहआ आथिखालाव गावनि गावारि जिउनि बागे गोबां लाइमलाइडनि बाहागो। सावथुन दिहुनगिरि आरो फावखुंगुर जैकी भगनानीआ 21 फेब्रुवारीआव गवायाव जुलि जानो थांगासिनो। राकुल प्रीतआ बोसोर 2014 माइथायाव सावथुन 'यारियां' जों बलिउडआव आगान होजेनदोंमोन। राकुल प्रीतनि पाइपलाइनआव 'मेरी वाइफनि रीमेक' आरो कमल हासननि 'इंडियन 2'आबो दड।

इमरान खाननि पार्टीया नवाज आरो बिलावलजों जुथाइ सरकार दानो नेवसिदों

कराचि, 12 फेब्रुवारी : पाकिस्तानआव बिसायख थिनि फिथाइखौ फोसावनायनि उनाव राजखान्थियारि सोलाय-सोल'या जागायफिनो। जुथाइ पार्टी दानायनि थाखाय गोखों राजखान्थि जागायनायनि गेजेरवनों इमरान खाननि पार्टीया पाकिस्तान तहरीक ए ईसाफ (पिटिआइ) आ फोसावदोंदि, बियो नवाज एबा बिलावलनि पार्टीजों जुथाइ पार्टी खालामनाय नडा। सरकार दानो लिंहेरेवला बियो बेरेखा दोलो जानाने शानायखौ सायख'ना लागोन। खौरनि बायदिब्ला, इमरान खाननि पार्टी पिटिआइया रोखायैनों नेवसिदोंदि, बियो खुथायाव फेनो थाखाय शरीफनि



पार्टी पिएमएल-एन एबा बिलावलनि भुट्टुनि पार्टी पिपिपिजों जेबो गोरोबथा खालामनाय नडा। पिटिआइनि सियामेन बेरिस्टर गौहर खानआ पिएमएल-एन आरो पिपिपिजों जायखि जाया रोखोमनि मासिखौ रानलायनो सावरायनोबो नेवसिगारदों। इमरान खाननि पार्टीनि बेरिस्टर

गौहर खानआ बुंदोंदि, गावसोर गुबुन पार्टीफोरजों जुथाइसैरकार दानो नाजागोन, नाथाय बे मोनने पार्टीजों लोगो लानायनि जेबो थांखि गैया। पाकिस्ताननो मिडियानि बायदिब्ला, गौहर खानआ बुंदोंदि, गावसोर बे मोनने पार्टीजों जुथाइ पार्टी दानो हास्थया। बेनिखायनो बेरेखा जानाने थानायखौनों साबसिन

होना गावसोर साना लायो। गावसोर सरकार दानायाव जाफुंसारब्ला, गावसोर गोखों बेरेखा दोलोनि बिफान आजावगोन। बिसायख थिनि फिथाइ बायदियै, जमाक-ए-इस्लामीआ खैबर पख्तुनख्वा एसेमब्लियाव मोन 3 मासि देरहासर जादों। बे मोनने पार्टीया सिगांआवबो जुथाइ पार्टी दाखांबाय। नाथाय 2018 आव सोमोन्दोखौ सिमफायदोंमोन। फरसेथिं सकार दानायनि थाखाय नवाज शरिफ आरो बिलावलनि पार्टीफेग गावजों गाव सावरायदों। इमरान खाननि पार्टीया 101 मासि मोनो हादों आरो बयनिखुडबो बांसिन 133 मासिनप्रय जोबोद गोजानाव दडा।

बजट एयारलाइनआ 1400 मावफारियाफोरखौ साखिनिफ्राय एनबाय

गोदान दिल्ली, 12 फेब्रुवारी : हादतनि गिदिर एयारलाइन्सफोरनि मोनसे स्पाइजेटआ 1400 मावफारियाफोरनि अन्जिमाखौ खम खालामनायनि थांखि लायो। बेयो कम्पानीनि गासै वार्क फर्सनि 15 जौखोन्दो कम्पानीया लानाय थांखिया रंखांथियारि खैफोदनि गेजेरव इन्भेस्ट खालामग्राफोरनि गोसो बोनायनि थाखाय होन्ना बुंजायो। मिबथिनो हानाय बायदिब्ला, बजट एयारलाइन्सहा 9,000 मावफारियाफोर दड, जाय गं 30 एयारप्लेनखौ सामलायो। बिसेरनि गं 8 उरांफोरखौ कम्पानीया गुबुन हादतयारि एयारलाइन्सनिफ्राय क्रु आरो



पायलटफोरजों लोगोसे लीजआव लानाय जादों। इकनमिक टइम्सनि रिपर्टआव फोरमायदोंदि, कम्पानीनि फारसेनिफ्राय अपारेशन गोनांथिफोरनि हिसाबै मावसुमाफोरखौ खमायदों। एयारलाइन्सआ आथिखालाव दानआव 60 कौटि रं सेलारी

होयो। बेनि सिगां माखासे मिडिया रिपर्टफोराव दावि देखांमोनदि, स्पाइजेटनि फारसेनिफ्राय थांनाय माखासे दानफोरनि सेलारीखौ पेमेन्ट खालामनायाव गोबाव जादोंमोन। मख'जाथावदि, स्पाइस जेट इन्भेस्टारफोरनिफ्राय 2200 कौटि रंनि फान्ड

जुथायनायाव खामानि मावगासिनो दड। एयारलाइन्सनि फारसेनिफ्राय बुंदोंदि, कम्पानीनि फान्ड जुथाइनायनि गासिबो प्लानआ ट्रेकआव दड आरो थाबैनों बेनि बागै खौरं होनाय जागोन। स्पाइजेटनि शेयारआव समबार्नि फालांगियारि सेसआव दावखलायनाय नुनो मोन्दों। एनएसइआव शेयारआव फुनि 11 रिंगायाव 4 जौखोन्दो दावखलायनायजों लोगोसे मोनफ्रोम शेयारआव 65.59 थडै फालांगि खालामदोंमोन। कम्पानीनि शेयारआ दिनेनि सेसनआव 65.05 रंनि मिनिमाम थाखो आरो 68.97 रंनि मेक्सिमम थाखोसिम सौहेंदों।

कातारनिफ्राय रेहाय मोनबोनाय भारतयारि बारा' दै सांथिफोरा गाहाइ मन्थि मदिनो साबायखर होदों

वाशिंटन, 12 फेब्रुवारी : कातारआव माखासे दानसिम जोबथेसालियाव दाहा सैननायनि उनाव रिहाय मोनाय सा 8 बारा' भारतयारि दै सांथिफोरनि सा 7 आ हादतआव सौफेफिनबाय। संगालि खालामनायनि दाय जाबसिनजाना थैनायनि साजा फोसावजानाय बिसेर बारा' दै सांथिफोरा कातारनिफ्राय रिहाय मोनायनि थाखाय गाहाइ मन्थि मदिखौ बाखायदों। आंगो हादतआव गिदिंबोफिन्नो हानायफोरनि सासे बारा' दै सांथिया बुंदोंदि, गाहाइ मन्थि मदि आरो भारत सरकारा बिसेरनि रिहायखौ रोखा खालामनो थाखाय आखाय होनाय आरो थानाय गैये



राजथान्दयारि नाजायामोन्ब्ला बिसेरो रिहाय मोनाय नडामोन। भारतनिफ्राय थानाय गैये राजथान्दयारि आखाय होनाय आरो आइनारि मदतनि उनाव बिसेरनि फोसावनाय थैनायनि साजाखौ जोबथेसालियाव थानायनि साजायाव सोलायो। बारा' दै सांथिफोरनि मावफारियाआ फोरमायदों, गाहाइ मन्थि मदिना कातारनि

अमिर शेक तमीम बिन हामद अल थानीनि खाथियाव बिसेरनि साजानि बाश्नाखौ बुंथिदोंमोन आरो सा 8 भारतयारिफोरनि रिहायनि थाखाय गोखों राजथान्दयारि नाजानाय जादों। रेखाथि गोनां आरो गोग्गो देहाजों न'आव सफेफिननाने रेहायनि हां बोदों आरो रंजानाय मोन्दों। गाहाइ मन्थि मदिनो साबायखरबो होदों।

टाटानिफ्राय लानाने महिन्द्राया गं 5 इलेक्ट्रिक कार लाबोसिगोन

गोदान दिल्ली, 12 फेब्रुवारी : हादतआव इलेक्ट्रिक गारिफोरनि डिमान्टआ गोखों जाबोदों। बेनि गेजेरजों अट' कम्पानीफोराबो इलेक्ट्रिक कार लन्व खालामनो बोलो होदों। फेगौ माखासे दानआवनो टाटानिफ्राय लानाने महिन्द्रसिम गावबा गावनि गोदान इलेक्ट्रिक कारफोरखौ लन्व खालामनो थियारि खालामदों। रिपर्टनि बायदिब्ला भारतीय इलेक्ट्रिक अट' बाजारआव मारुटिनि इभिएक्स आरो टाटा हेरियार इभिआबो थाफानो हागौ।

मारुति सुजुकीया गावनि गिबि इलेक्ट्रिक कार, इभिएक्सखौ बे बोसोरावनो लन्व खालामनो हागौ। कम्पानीया फोसावदोंदि, इभिक्स इलेक्ट्रिक एएसइडिभखौ फेगौ बोसोरनिफ्राय हन्सलपुरनि सुजुकी मटरनि गुजराटआव सुबिधा बायदियै बानागोन। इभिएक्स इलेक्ट्रिक एएसइभिनि लन्वखौ 2024 आवनो खालामनो थियारि खालामदों। मारुटिनि बे गिबि इलेक्ट्रिक एएसइडिभिया सिंगल चार्जआव 550 कि:मि: जान्थाइ खारगोन।



बेयाव 60 के डब्लिउ एडच लिथियाम आइन बेलारिनि पैक मोनगोन। बे गारिया एमजि जेइस इभि आरो हुन्डाइ कना बायदि मडेलफोरजों गोखों बादायगोन। टाटा मटर्सआ

बावैसो सिगां दिल्लीयाव गावनि गाहाइ हेरियार एएसइडिभिनि इलेक्ट्रिक इडिशनखौ शकेस खालामदों। हेरियार इभिखौ जेन 2 इथि आकिटेक्चरआव बानायनाय

जादों आरो बेयाव भि 2 एल आरो भि 2 भि मोनैबो चार्जि पावार थागोन। बे एस इडिभखौ टाटाया सोलिफु बोसोरनि मिडआव लन्व खालामनो हागौ होन्ना बंनाय जादों। फारसेथिं टाटा मटर्सनि नैथि इलेक्ट्रिक गारि, जाय बे बोसोरावनो लन्व खालामजानो थियारि। बेनो जादों कार्भंभ इभि। टाटा मटरनि एक्स वान प्लेटफर्मआव बानायनाय कार्भंभ इभिखौ इलेक्ट्रिक गारिखौ कन्फिगरेशनआव सोलायनो थाखाय गोबां सोलायसोल' खालामदों। नेक्सन इभि आरो हेरियार इभिनि गेजेराव कभंभखौ लाबोनो थियारि खालामदों।

हादतगिरि बाइडेन आरो गाहाइ मन्थि नेतन्याहुनि गेजेराव 45 मिनट सावरायजलायो



वाशिंटन, 12 फेब्रुवारी: इज्राइल-हामासनि गेजेराव दावहाया दासिमबो सोलिगासिनो। बेनि गेजेराव आमेरिकानि हादतगिरि ज' बाइडेनआ इज्राइलनि गाहाइ मन्थि नेतन्याहुजों बाश्ना सावरायदों। बिथाड नेतन्याहुजों राफायव नोगोरारिफोरखौ रेखाथि होनो सावरायदों। हवाइट

हाउसआ फिन्नाय फोसावनाने फोरमायदों, हादतगिरि बाइडेनआ रबिबाराव गाहाइ मन्थि नेतन्याहुजों सावरायदों आरो बिथाड इज्राइलखौ बेयाव आखय लाहैनाय 1 मिलियननि बांसिन सुबुंफोरनि रेखाथियै रोखा खालामनो बुंदों। बिथाड बुंवावोदि, इज्राइलआ राफायव सांथियारि अभियान जागायनो

नाडा। खौरनि बायदिब्ला, बाइडेन आरो नेतन्याहुनि गेजेराव 45 मिनटसिम सावरायनाय जादों। ज' बाइडेनआ बुंदों, गाजा पट्टीयाव इज्राइलनि सांथि नायबजिरनाय मख'जाथाव जादों। सासे गागि आमेरिकान बिबानगिरिया फोरमायदोंदि, हादतगिरिया नोगोरारिफोरनि थैनाय बांबोनायाव गोथौ जिंगा

फोरमायदों। लोगोसेनो बिथाड गाजायाव हामासआ बेंखनआव लानाय सा 132 सुबुंफोरनि रिहाइखौ रोखा खालामनो थाखाय नाजानाय हाबाफारियाव गाहाइ नोजोर लाखिगासिनो। नेतन्याहुनि मावख'या बुंदोंदि, बिथाड सांथिखौ राफाखौ हगारनो आरो हामासनि मोन 4 बे टालियानफोरखौ सिलिंखार खालामनायनि यजना बानायनो बिथोन होदों। हवाइट हाउसआ बुंदोंदि, बाइडेन आरो नेतन्याहुआ सिगां सावरायलांगोनखौ लाना गनायथिदों। सावसि बिबानगिरिफोरा हमादोंदि, अक्टबरआव दावहाया जागायनायनि उननिफ्राय गाजायाव 28,000 नि बांसिन फिलिस्तानि नोगोरारिफोरनि जिउ गोमाबाय। सावसि बिबानगिरिफोरनि बुंनाय बायदिब्ला थैनाय सुबुंफोरनि गेजेराव 70 जौखोन्दो आइजोफोर आरो 18 बोसोरनि खमसिन बैसोनि उन्देफोरबो दंफायो।

इज्राइलआ गाजानि देहा बिबानगिरिफोरनि सायाव गाग्लोबदों

काहिरा, 12 फेब्रुवारी : थानाय बोसोराव जागायनाय इज्राइल-हामासनि गेजेरजों दावहाया सोलिगासिनो दड। दासिमाव दरनैबो हादतफोरनिफ्राय रोजा-रोजा अन्जिमानि सुबुंफोरा जिउ गोमाखांबाय। बेनि गेजेरजों आरोबाव खेबसे इज्राइलआ गाजाखौ नोजोर होदों। गाजा सावसियारि बिबानगिरिफोरनि बायदिब्ला, खोला शहर राफायव इज्राइलनि गाग्लोबनायफोरव खमैब्लाबो सा 37 फिलिस्तानिफोर थैयो। बिबानगिरिफोरा रायटरफोरनो फोरमायनाय बायदिब्ला, सा 20 फिलिस्तानिफोरनि गोथे सह'फोरा कुवेती देहा फाहामसालि, सा 12 नि गोथे सह'आ इउरपिय देहा फाहामसालियाव आरो सा 5 गोथे सह'आ अबु युसुक अव-नजर देहा फाहामसालियाव दड। इज्राइलनि सांथिफोरा थानाय समबारखालि बुडोदि, बिसेर



गाजानि खोला राफायव जर'खा हान्जाफोरनि सिग्रोमनाय समाव सानै जोबथेना लाखिजानायफोरखौ उदां खालामो। देहा फाहामसालिनि मोनसे बिबुंथियाव बुडोदि, जोबथेना लाखिजानायफोरखौ गेजेर इज्राइलनि भिबा देहा फाहामसालियाव लांनाय जायो आरो डक्टरफोरा बिसेरनि थासारिखौ गाहाम होन्ना फोरमायदों। इज्राइलनि गाहाइ

मन्थि बेन्जामिन नेतन्याहुआ थानाय रबिबाराखालि मोनसे मोगा-मोगियाव बुडोदि, गाजायाव लाखिनाय जर'खायैसा 132 इज्राइलनि जोबथेना लाखिनाया बे ओन्सोलाव इज्राइलनि फारसेनिफ्राय खालामनाय नायबजिरनायखौ थि होन्ना फोरमायनो थाखाय थोजासे। नेतन्याहुआ जोबथेना लाखिजानायफोरखौ लाबोफिननो नाजागासिनो दड होन्ना

फोरमायदों। लोगोसे सांथियारि हाबाफारिफोरखौ लानाने मुलुगयारि दैदेनिगिरिफोरखौ खावलायनायखौ लानाने नेतन्याहुआ बुंदोंदि, रकाहयाव रेखा मोन्नाय हामासनि उतखारि बेटेलियनफोरखौ इज्राइलनि सांथिफोरा नागिरना दिहुगोन। सुलुडव फोरमायनाय बायदिब्ला, बयनिखुड सिगां फिलिस्तानि फारसेनिफ्राय बे दावहाखौ जगायदों।

कंग्रेसनि गाहाइ नेहाथारि जयराम रमेशआ कातारनि गेजेरजों आगु नेभिफोरखौ हगारनायनि सायाव गोजोन्नाय फोरमायदों

गोदान दिल्ली, 12 फेब्रुवारी : कातारनि गेजेरजों सा 8 आगुनि भारतयारि नेभिफोरनो थैनायनि साजा खोनासंहोनायनि गासै 3 खावसे दाननि उनाव बिसेरखौ हगारना होनाय जायो। गासै सा 8 आगुनि भारतयारि नेभिफोरनि बे गनायखौ पिएम मदिनि बयनिखुइ देरसिन सोलोखान्थियारि देरहासरनाय होन्नाने फोरमायनाय जादों। कंग्रेस समबारखालि गासै सा 8 आगुनि भारतयारि नेभिफोरखौ हगारनायनि सायाव रेहाय आरो गोजोन्नाय मोन्नायखौ फोरमायनायजों लोगोसे बिसेरनि नख'रफोरनो हामब्लाइथि बाउदों। बेनि सोमोन्दै सशेल मिडिया एक्सआव होनाय मोनसे पस्टआव कंग्रेसनि गाहाइ



नेहाथारि जयराम रमेशआ बुडोदि, गासै हादतनि थागिबिफोरजों लोगोसे भारतयारि माहारियारि कंग्रेसआबो बे खुसियाव दंफायोदि, कातारआव कर्टनिफ्राय फासिन साजा मोनग्रा भारतयारि नेभिफोरनि सा 8 आगुनि अफिसारफोरा गनाने न'आव फेफिनबाय। जों बिसेर आरो बिसेरनि नख'रफोरनो हामब्लाइथि बाउहरो होन्ना बिथाड बुंदों। गुबुन हादतयारि मावख' (एमइए) आ बुंदों,

गासै सा 8 आगुनि भारतयारि नेभिफोरनि मादाव सा 7 आ भारतआव फेफिनबाय। बेयाव बुंवावनाय जायोदि, भारतआ भारतयारिफोरखौ हगारनाय आरो न'आव दैथाइहरनाय कातारनि थांखिखौ बाखायो। मख'नो गोनदि, नेभिफोरनि गासै सा 8 नेभिफोरखौ थानाय बोसोरनि 26 अक्टबरव सन्देह' खालामथाव संगालिनि मोनसे केसआव कातारनि बिजिससालिया थैनायनि साजा खोनासंहोदोंमोन।

व्लेडारनि जैनानि जाहोनाव आमेरिकानि रेखाथि सेक्रेटारिखौ देहा फाहामसालियाव थिसन्दों

वाशिंटन, 12 फेब्रुवारी : आमेरिकानि रेखाथि मन्थि लयड अस्टिनखो व्लेडार (हासुदेंजों लोब्बा गोनां) जैनानि जाहोनाव थानाय रबिबाराखालि देहा फाहामसालियाव थिसनफिननाडो। आमेरिकानि रेखाथि बिफाननि मावख' पेन्टगनआ बेनि खौरं होदों। आस्टिनखौ थानाय डिसेम्बर दानाव प्रस्टेट केन्सारजों भुगिनायखौ मिबथिनो मोन्दोंमोन। पेन्टगनआ मोनसे बिबुंथियाव बुडोदि, अस्टिनखौ गावनि रेखाथि हान्ज्याय



सानजौफुनि 2:20 रिंगानि खाथियाव वाल्टर रिड नेशनेल मिलिट्री मेडिकेल सेन्टाराव लानाने थाडो। अस्टिनहा जागायनायाव गावनि मावख'नि

केथलिन हिक्सनो गथायो। पेन्टगननि प्रेस नेहाथारि मेजर जेनेरेल पेट राइडारआ फोरमायनाय बायदिब्ला, रबिबारा बेलासियाव अस्टिनखौ देहा फाहामसालियाव थिसन्दोंमोन। अस्टिननि सावसिनि सोमोन्दै ज्वइन्ट चिप्स अफ स्टफनि आफादगिरिजों लोगोसे हवाइट हाउस आरो कंग्रेसनोबो मिबथिहोदोंमोन। अस्टिनखौ मंगलबारखालि इउके नजों सोमोन्दो गोनां हान्जानि जथुमा खुंनो थाखाय ब्रसेल्सनि थाखाय थि खालामनांगोमोन। बिथाड

थानाय 2022 आव रासियाखौ दखल खालामनायनि उनाव क्विभनि थाखाय सांथियारि मदतनि गेजेरजों बे जथुमाखौ खुंनो बिथांखि लादोंमोन। बेनि उनाव अस्टिननि नाट रेखाथि मन्थिफोरनि मोनसे नेम-खांथि बायदि खुंनाय जथुमायाव बाहागो लानायनि हाबाफारि दडमोन। दासिमाव अस्टिनखौ देहा फाहामसालियाव थिसननायजों बे बिथांखिफोराव सोलायनाय फेगोन ना फैया बेखौ रोखा जायाखै।

आन्डार-19 वर्ल्ड कापनि फाइनलाव भारतीय हान्जानि जेन्नायाव माखासे गेलेगिरिफोरा गोरोन्थि खालामदोंमोन

गोदान दिल्ली, 12 फेब्रुवारी: आइसिसि मेस आन्डार-19 वर्ल्ड काप 2024 नि फाइनल बादायलायनायाव भारतीय क्रिकेट हान्जाखी अस्ट्रेलियाआ 71 रानजों फेजेन्दों। खोला आफ्रिकानि बेन'नीआव गेलेनाय बे बादायलायनायाव भारतीय हान्जाया 254 राननि टारोटआव बेटि खालामनाय समाव 174 रानसिमल' सौहेदों। भारतनि बे जेन्नायजोंनो अस्ट्रेलियानि हान्जाया 4थि खेब आन्डार-19 वर्ल्ड कापनि बिमुं देरहायो। गुबुन फार्से भारतीय हान्जाया 6थि खेब बिमुं देरहानायनि सिमांखी खोमानाडे। फाइनल मेचनि समाव बेटसमेन आरो बलिंजों लोगोसे फिलिडंआवबो भारतीय हान्जानि दिन्थिफुंनया मिजिंथिनि बायजोआव थादोंमोन। अस्ट्रेलियानि हान्जाया 7 उडकेटआव 253 रान



लादों, जाय आन्डार-19 वर्ल्ड कापनि फाइनलाव दासिमनि देरसिन स्कर खालामनायनि रेकड लाखिदों। नाथाय बे जेन्नायनि आन्दोआव भारतीय हान्जायाव मोन 5 गिदिर जाहोनफोर थादों। टप अर्डरनि दिन्थिफुंनयाव भारतीय हान्जाया प्लप जादों। बे फारियाव मुसिर खान, सचिन धास आरो केप्टेन उदय शाहरननिफ्राय मोजाडै दिन्थिफुं'गोननि मिजिंथि लादोंब्लाबो साथामबो गात्रियै

दिन्थिफुंदों। मुसिरआ गावनि फारियाव 22 आरो उदयआ 8 आरो सचिनआ 9 रानल' लानो हादों। मुसिर आरो उदयआ बे टुनांमेन्टआव रान लानायनि फारियाव टप-2 प्लप गेलेगिरिनि फारियाव गोलैयो। मानोना उदयआ 56.71 नि एफारेजजों 397 रान आरो मुसिरआ 60 जौखोन्दोजों 360 रानल' लानो हादों। नैथि जेन्नायनि फारियाव रावबो गेलेगिरिनि हाफ सेन्सुरि लानो हायैआ गोलैयो। बे मेचआव भारतीय हान्जानिफ्राय रावबो पार्टरनसिपनि बेटिआव गिदिर रान लानो हायाखै। 9थि

उडकेटनि थाखाय मुरुगन आरो नमन तिवारीनि 46 सेयारि रान लानायानो देरसिन स्कर रान खालामनाय थिसनजादों। बलिंनि फोथारावबो रावबो गेलेगिरिफोरा मोजाडै दिन्थिफुंनो हायाखै। उदय शाहरनआ बलार महरै मोजाडै दिन्थिफुंनो हायाखै। बे फारियाव मुरुगन, मुसिर खान, चौमि पान्डे आरो प्रियान्सु मलियाआ प्लप बलारनि फोरमानआव फेदों। भारतीय हान्जानिफ्राय रावबो बेटेनफोरा मोजाडै गावआरि दिन्थिफुंनो हायाखै। आदर्श सिं, मुरुगन अभिषेक, मुसिर खानआ बे फारियाव मिजिंथिनि बाइजोआव दिन्थिफुंदों। भारतनि जेन्नायाव टसनि जेन्नायावो मोनसे जाहोन जानानै फेयो। फाइनल मेचआव बांसिनै भारतीय हान्जाया टसआव देरहानानै गिबियै बेटि खालामोमोन। नाथाय बे समाव अस्ट्रेलियानि केप्टेन भेव गेनआ गिबियै बेटि खालामनायनि अपसनखौ सायख'नो खानु मोनदोंमोन।

भारतीय क्रिकेट हान्जानि थामथि टेस्ट मेचआव देरहानोब्ला सासे गेलेगिरिनि बाहागोआ गोनांथिथार जानांगोन

गोदान दिल्ली, 12 फेब्रुवारी: भारत आरो इलेन्डनि क्रिकेट हान्जानि गेजेराव बादायनाय खेब 5 टेस्ट मेच सिरिजआ जोबनाय लोगो-लोगोनो आइपिएल 2024 आ जागायसिमोन। बेबायदि थासारियाव भारतीय हान्जानिफ्राय माखासे गेलेगिरिफोरखौ सोलिफु सिरिजनिफ्राय जिरायहोनायनि बाश्ना सान्दों। नाथाय बेबायदि थासारियावबो गेलेगिरिफोरनि जोखोम जानायफोरा जेनानि जाहोन जाना फेदों। बेबायदि समावनो फास्ट बलार जसप्रित भुमराहखौ 3थि टेस्ट मेचनिफ्राय जिरायहोना हागौनि खौराडा सोराडव फेदों। नाथाय बिथानि सायाव गोसारनाय बे खौराड गुबुन महर मोनफिनदों। थामहिनबा बिथाडा बे टेस्ट मेचनिफ्राय जिरायनाय नलिया। आथिखालाव खेब 5 टेस्ट मेचनि सिगांनि खेबनै मेचफोराव भारत आरो इलेन्डनि हान्जाया 1-1 मेचफोराव देरहाखांबाय। बेबायदि थासारियाव 3थि टेस्ट मेचआव



देरहानाय हान्जायावो सिरिजआव आवगायनो हादों। बिसिसिआइ सायख' आफादआ आद्रा थानाय खेब 3 टेस्ट मेचफोरनि थाखाय हान्जानि फारिलाइखौ फोसावबाय। बे फारियाव बांद्राय सोलायनाय लाबोयाखै। नाथाय सिगांनि समाव महम्मद शमीखौ टीमनि फारियाव हाबफिनगोननि मिजिंथि लादोंमोन। नाथाय बे मिजिंथिआवो गुबुन महर मोनदों। थामहिनबा बिथाडा 3थि टेस्ट मेचनि फारियावबो हाबनो मोनारै। आथिखालाव भिराट कहलीआवो हान्जानिफ्राय जानगायव दड। नाथाय रंभिन्र जाडेजा आरो केएल राहुलनि बाहागो जाफिन्नाया टीमनि गेजेराव रेहाय लाबोदों। बेनि

थाखाय बिसोरो मेचनि सिगांनो आबु फिफ्टआव फेनांगोन। महम्मद शिराजआ इलेन्डनि हेंथायै गिबि टेस्टआव भुमराहजों गेलेदोंमोन। नाथाय मेचनि मोनसेबो समाव मोजाडै जाफुंसारनो हायाखै। 2थि मेचआव शिराजखौ जिरायहोनाय मुकेश कुमारखौ खानु होनाय जादोंमोन। अब्लाबो बिथाडा भुमराह बायदि मोजां बलिं खालामनो हायाखै। भुमराहआ 2थि टेस्टआव भारतीय हान्जानि

देरहानायव मोजां बिहोमा जगायनो हादों। बिथाडा गिबि टेस्टनि गिबि इनिंसआव 2 उडकेट आरो नैथि इनिंसआव 4 उडकेट लादोंमोन। बेजों लोगोसेनो भुमराहआ 2थि टेस्टनि गिबि इनिंसआव 6 उडकेट आरो 2थि टेस्टआव 3 उडकेट लानो हादों। थामहिनबा बिथाडा जुथायै खेबनै टेस्ट मेचआव 15 उडकेट लादोंमोन। भुमराहनि जायगायाव शिराजखौ खानु होयोब्ला हान्जायाव रेहाय फेगोननि सिगाडाव फोथायनाय लादोंमोन। बेबायदि थासारियाव फोथायनाय जायोदि, 3थि टेस्टनि प्लेडं-11 आव बिथान्खौ दोन्याय जादों। जुदि भारतीय हान्जाया बे मेचखौ देरहानो हायोब्ला बिथान्खौ 4थि टेस्टआव जिरायहोनांगोन।

डब्लिउटिसिनि पडन्ट फारिलाइआव गिदिर सोलाय-सोल' फेगोन



गोदान दिल्ली, 12 फेब्रुवारी: वर्ल्ड टेस्ट सेम्पियनसिप 2023-25 नि सिडव सोलिफु समाव भारत आरो इलेन्डनि क्रिकेट हान्जानि गेजेराव खेब 5 मेचनि टेस्ट सिरिज गेलेगासिनो दड। बे सिरिजनि 3थि मेचआव राजकर्टनि सोराफ्ट क्रिकेट एस'सिपसिन स्टेडियमआव जागोन। बे मेचआव देरहानाय भारतीय हान्जानि थाखाय जर'खा जागोन। मानोना बेयाव देरहायोब्लासो भारतीय हान्जाया वर्ल्ड टेस्ट सेम्पियनसिपनि पडन्टनि फारिलाइयाव गोबां मुलाम्फा मोनगोन। आथिखालाव डब्लिउटिसिनि बे फारिलाइयाव निउजिलेन्डनि हान्जाया जौसिनआव जायगा मोनो। बे समाव अस्ट्रेलियानि हान्जाया 2थि आरो भारतनि हान्जाया 3थि नम्बरआव जायगा आवग्रियो। निउजिलेन्डनि हान्जाया 66.66 जौखोन्दो देरहानायनि रेखाथिजों सेथि थावनियाव, स्ट्रेलियाआ 55 जौखोन्दोजों नैथि आरो भारतीय हान्जाया 52.77 देरहानाय जौखोन्दोजों 3थि मासियाव दड। बेबायदि थासारियाव भारतीय हान्जानि राजकट टेस्ट मेच देरहानाय जर'खा जाना फेगोन। मानोना बेयाव देरहायोब्ला भारतआ अस्ट्रेलियाखौ उनाव दोनो खानु मोनगोन। थामहिनबा भारतीय हान्जाया 2थि फारिलाइयाव सौहेनो हागोन। वर्ल्ड टेस्ट सेम्पियनसिप 2023-25 आव भारतीय हान्जाया दासिमाव खेब 6 टेस्ट मेच गेलेखांबाय। जायनि गेजेराव भारतआ खेबनै मेचआव जेन्नाय गुबुन खेबसे मेचआ इ'आव थुंगेयो आरो आद्रा मेचफोराव देरहायो। आथिखालाव भारतनि हान्जाया इलेन्डनि हेंथायै नख'रारि फोथाराव खेब 5 मेचनि टेस्ट सिरिजनि थाखाय साखा-फारायाव दड। निउजिलेन्डनि हान्जाया आथिखालावबो खोला आफ्रिकानि हेंथायै खेबनै मेचनि टेस्ट सिरिज गेलेगासिनो दड। बे सिरिजनि नैथि मेचआव 13 फेब्रुवारीनिफ्राय जागायजेनगोन। जुदि इलेन्डनि हान्जाया बे मेचआव जेनो आरो भारतीय हान्जाया राजकर्टनि मेचआव देरहायो अब्ला भारतीय हान्जाया पडन्ट फारिलाइनि जौसिन मासियाव सौहेगोन। डब्लिउटिसिनि बे फारियाव निउजिलेन्डनि हान्जाया खेब 3 मेच गेलेनायाव खेबनै मेचआव देरहाखांबाय आरो गुबुन खेबसे मेचआव जेनखांबाय।

मेसिआ चीनसिम दावबाय-नायखौ नागारफिनबाय



ब्यूसआयार, 12 फेब्रुवारी: लियनेल मेसिआ फेगौ दानआव चीन हादतसिम दावबायनायनि थाखाय थिखानाय खेबनै आर्जेन्टिनानि लोगोयारि मेचनि थाखाय गावनि मुंखो बोखांना लाबाय। मानोना बिथाडा हंकेआव मोनसे क्लाव मेचनिफ्राय बारग'नायनि रेहाय मोनाखै। बेइजिं फुटबल एस'सिपसिनआ फोरमायनाय बायदिब्ला, बिथाडा फेगौ मार्च दानआव बिथाडा आइभेरि कस्टनि हेंथायै आर्जेन्टिनानि लोगोयारि मेच गेलेनायकाव बाहागोयारि जानाय नलिया। एस'सिपसिनआ फोरमायनाय बायदिब्ला, लियनेल मेसिआ बाहागो लानो गोनां मेचखौ खुंफुंनयायनि थाखाय बेइजिंआ दासिमाव मोनबो सानथांथि खालामाखै। बेनि सानसे सिगाडाव चीननि गेलेमु मावख'गिरिफोरा नाइजेरियानि हेंथायै दिन्थिफुंनयाव बादायलायनायखौ बोखांना लाफिन्दोंमोन। वर्ल्ड काप सेम्पियन आर्जेन्टिनाना गेजेर हायुंआरि जिरायनाय समाव फेगौ 18-26 मार्चनि गेजेराव चीन हादतसिम दावबायनायनि थाखाय थि सम खालामदोंमोन।

फिफा वर्ल्ड काप 2026 नि मेचफोरा मोन 16 स्टेडियमआव खुंफुं जागोन



वाशिंगटन, 12 फेब्रुवारी: फिफा वर्ल्ड काप 2026 नि जोबथा मेचखौ आमेरिकानि निउर्यक/निउ जासिआव थानाय मेटलाइफ स्टेडियमआव खुंफुंनयाव जागोन। बे स्टेडियमाव गासै सा 82,500 नायगिरिफोरा जिरायनो हानायनि खानु दड। वर्ल्ड कापनि गिबि मेचआ फेगौ 11 जुनखालि मेक्सिक' सहरनि मुंदांखा एजतेका स्टेडियमआव जागायजेनगोन। फिफानि आफादगिरि गियानि इन्फान्टिन'आ फोरमायनाय बायदिब्ला, बे मुंदांखा टुनांमेन्टखौ कानाडा, मेक्सिक' आरो जुथाय राइज्यो आमेरिकायाव खुंफुंनो। मोन 16 गोदानथार स्टेडियमआव गासै खेब 104 मेचफोरा खुंफुं जागोन। राउन्ड अफ-16 नि बादायनाया फिलाडेल्फियाआव उदांसि साननि लोब्यायै 4 जुलाइखालि आटलान्दा आरो दालासा मुंदांखा बे टुनांमेन्टनि सेमिफाइनलखौ दैदेनगोन। जेराव 3थि मासिनि बादायनाया मियामिआव जाहैगोन। क्वार्टर फाइनलआ लसएन्जिल्स, कान्सास सिटि, मियामी आर बास्कटआव खुंफुं जागोन। बेनि सिगां 1994 आव आमेरिकाआ फिफा वर्ल्ड कापखौ खुंफुंनो बिबान मोनखांबाय। सोलिफु बोसोराव जानो गोनां बे टुनांमेन्टनि फाइनलआ लसएन्जिल्सनि खाथियाव पसाडेनानि रज बाउलआव खुंफुंजागोन।

माराथनआव जारिमिन सोर्जिनाय केलभिनआ रुंसारि जाबाय



वाशिंगटन, 12 फेब्रुवारी: माराथननि वर्ल्ड रेकड हल्डर आरो पेरिस अलिम्पिकआव सनानि मेडेल देरहागोननि मिजिंथिजानाय केलभिन किपटुमआ सोनाब केनियाआव मोनसे गारिनि जाब्रबथायाव गोलैनायै रुंसारि जाबाय। 24 बोसोर बैसोनि केलभिनआ ओन्सोलारि सम बायदिथै मोनानि 11 रिंगासो समाव कप्तागाटनिफ्राय एलडेटसिम दावबायदोंमोन। बे समावनो बिथाडा लामानि जाब्रबथायाव गोलैना आवथिरायै रुंसारि जायो। जाब्रबथायाव केलभिननि अनगायै खान्दानि कच गेखाइस हाकिजिमानाबो रुंसारि जायो। बिथामोनहा दावबायनाय सा 3 सुबुंफोर दंमोन। जायनि फारियाव सानै सुबुडा जिउ गोमायो आरो सासेआ देहा फाहामसालियाव थिसनजानानै दड। बेफोर जाथायनि सायाव सोनाबारि केनियानि एलियाय माराकवेट काउन्टनि पुलिस कामान्दर फिटार मुल्लिंगो आ रेखा

खालामदों। पुलिसआ फोरमायनाय बायदिब्ला, केलभिननि फार्से फेनाय गंसे गारिया सौग्रावफेयो, जायनि जाउनाव कारनि सिडाव थानाय सानै सुबुडा रुंसारि जायो आरो जोखोम जानाय गुबुन सासे आइजोखौ देहा फाहामसालियाव लानाय जायो। केलभिनआ माराथनि फोथाराव थानाय बोसोरनि अक्टबर दानआव सिकागआव जालानाय मोनसे इभेन्टआव वर्ल्ड रेकड 2:00:35 मिनिट समजों थांखिसिम सौहेनानै सनानि मेडेल देरहादोंमोन। बे फारियाव बिथाडा लोगो केनियानि बादायारि एलियुड किपचगोखौ 34 सेकेण्ड समजों उनाव लाखिदोंमोन। केलभिनआ बै समाव 23 बोसोर बैसोमोन आरो गावनि 3थि माराथननि इभेन्टआव बिथाडा जारिमिन सोरिजदोंमोन। किपटुमआ गावनि गुबुन खेबनै नाजानायवबो देरहासादोनो

एसिया काप फुटबलआव आफिफनि हेट्टिकजों काठारआ बिमुं देरहादों

दहा, 12 फेब्रुवारी: आक्रम आफिफनि हेट्टिक गल सोनायनि मददजों काठारआ जर्डनखौ 3-1 गल स्करआव फेजेन्नायै एसिया काप फुटबल टुनांमेन्टनि बिमुंआव गावसोरनि मुं लाखिबाय। हान्जानि बे देरहानायव आफिफआ गावनि हेट्टिक गलखौ खेबथाम पेनाल्टिआव मोनफुंदों। बिथाडा मेचआव फारियै 22, 73 आरो 90+5 मिनिटआव गल सोदों। गुबुन फार्से बिमुंनि थांखिजों गोखोडै' नंथायनाय जर्डन हान्जानि थाखाय गरसेल' गरखौ याजान आबुल्ला अलनेमटआ 67थि मिनिटआव सोनो हादोंब्लाबो टीमखौ जेन्नायनिफ्राय रैखाथि होनायाव फेलें जादों। आफिफआ बे टुनांमेन्टआव गासै 8 गल सोदों। बिथाडा फाइनलआव सोनाय बे गलजों एसिया काप टुनांमेन्टनि बिमुंनि बादायनायाव हेट्टिक गल



सोनाय गिबि गेलेगिरि जाबाय। देरहानायनि उनाव बिथाडा गावनि पेनाल्टिआव गल सोजोबनायखौ फोथायानां बे

बेलिंघमनि मददजों रियेल माद्रिदआ जिरनाखौ फेजेन्ना हादो

माद्रिद, 12 फेब्रुवारी: जुड बेलिंघमनि गरसै गल सोनायनि मददजों ला लीगायाव रियेल माद्रिदआ जिरनाखौ 4-0 गल स्करआव फेजेन्ना हादों। बे मेचनि देरहानायव बेलिंघमआ बिहोमा होनो हादोंब्लाबो जोखोमनि जाउनाव फोथारनिफ्राय बाइजोआव थानाडे। बेबायदि थासारियाव सेम्पियन्स लीगनि जोबथा 16 मेचआव लिपजिगनि हेंथायै बिथान्खौ गेलेनो हागोनखौ जानगायव नुहरो। बेलिंघमनि गरसै गल सोसेयावबो माद्रिदनि देरहानाय बिहोमायाव ब्राजिलनि फुटबलार भेनिसियास जुनियरआ हिर' जानो हादों। मानोना बिथाडाबो हान्जानि देरहानायव गरसै गल सोदों। बे देरहानायजों माद्रिदआ गावसोरनि आवगायनायखौ जौसिन थावनियाव 5 पडन्टसिम बांभोबाय। जिरनानि हान्जाया बे सिजनआव गावसोरनि दिन्थिफुं'नायजों अन्साइगिरिफोरखौ सोमोनां'होदोंमोन। नाथाय



पडन्टनि फारियाव जौसिनाव थांनो थाखाय हान्जानो माद्रिदखौ फेजेन्नांगोननि गोनांथि जादोंमोन। जायनि जाउनाव बे जेन्नायजों जिरनानि हान्जाया नैथि मासियाव थाफिन्नादों। जिरनानि हान्जाया बे सिजनआव खेबनैबो मेचखौ माद्रिदनि आखायाव जेन्नाडे। मेचनि बाश्ना बुडोब्ला नैथि हाफनि जागायजेन्नायाव इलेन्डनि मिडफिल्डर बेलिंघमआ फोथारनिफ्राय जायखार नांदोंमोन। बे समाव माद्रिदनि हान्जाया 3-0 गल स्करआव आवगायना दडमोन। बेलिंघमआ माद्रिदनि थाखाय गिबि सिजनआव गासै 16 गल

सोनो हाबाय। बिथाडा बे सिजनआव माद्रिदनि थाखाय गासैबो बादायनायाव 20 गल सोनो हाखांबाय। मेचनि 6थि मिनिटआव भिनिसियासआ माद्रिदनि थाखाय गिबि गलखौ सोजेन्दोंमोन। बेनि उनाव बिथाडा बेलिंघम आरो रद्रिगखौ स्कर खालामनायावबो मदद होदों। माद्रिदनि कच कारल' एन्सलीटिआ बे समाव भिनिसियासखौ बाखानायनानै बिथानि जर'खायै दिन्थिफुंनयाखौ फोरमायदों। बेलिंघमआ मेचनि 35 आरो 54थि मिनिटआव गल सोदों। बेनि उनाव रद्रिगआ 61थि मिनिटआव गल सोबावदों।

तेजास्विन शंकरआ गाला एल्मस 2024 आव सनानि मेडेल देरहादों

गोदान दिल्ली, 12 फेब्रुवारी: भारतनि हाइ जाम्पारआव नेसेनेल रेकड थिसननाय एथलिट तेजास्विन शंकरआ बेलिजियामनि हेल्थ हेस्ट-अप-डेन-बार्गआव जालानाय इन्टारनेसेनेल हाइ जाम्प गाला एल्मस 2024 एथलेटिक्स इभेन्टआव 2.23 मिटर जौथाय बारनानै सनानि मेडेल देरहादों। थांनाय बोसोरनि अक्टबर दाननि उनाव गिबियै इभेन्टआव बाहागो लानाय 25 बोसोर बैसोनि शंकरआ थांनाय शनिबारखालि वर्ल्ड एथलेटिक्स इन्डर टुर सेलेन्जार टुनांमेन्टआव युनाननि एन्ट'नियस मार्लस (2.20 मिटर) नि जौसिनआव



थाहैदों। शंकरनि मुडाव हौवाफोरनि हाइ जाम्प आरो डेकाथलानआव मोननैआवबो नेसेनेल रेकडनि मुं दड। नाथाय बिथाडा गावनि 2.29 मिटर जौथायनि साबसिनै

दिन्थिफुंनयायनि सिमनाखौ बारफिनो हायाखै। शंकरआ डेकाथलानावबो मोजाडै नोजोर होगासिनो दड। बिथाडा थांनाय बोसोराव जालानायवबो एसियायन सेम्पियनसिपआव बे इभेन्टआव ब्रन्ज मेडेल आरो एसियायन गेम्सआव सिल्लार मेडेल देरहादोंमोन। आथिखालाव बिथाडा पेरिस अलिम्पिकनि सायाव नोजोर लाबोगासिनो दड। नाथाय बेनि थाखाय बिथाडा 2.33 मिटर जौथायनि क्वालिफाई मार्कखौ बारनो नांगोन। इभेन्टआव बाहागो लानाय गुबुन भारतीय एथलिटफोरनि गेजेराव जेसे सन्देशआ 2.09 मिटर जौथायजों जुथायै 10थि मासिआव जायगा आवग्रिदों। शंकरआ आथिखालाव फेगौ 20 फेब्रुवारीआव चक रिपारब्लिकआव जानो गोनां एथलेटिक्स इभेन्टनि सायाव नोजोर लाखिदों।